

# *LIKEZAHALO ZA*

## *CWALE LIBONAHALISWA*

## *HANDE KA SIPOLOFITA*

 Halu inamiseñi litoho zaluna. Ndate Yomunde yakwa Lihalimu, lu itumela ku Wena busihu bo kakuli U alaba tapelo yaluna. Musali ya nyandile ya lobezi fani, ko lipalile za kupazula. Kono, O Mulimu, lu hupula kupazula kwapili ko ku kile kwa eziwa mwa lifasi, No ezize cwalo ili Wena. No zwisize kwa makupo a Adama, likupo, wa kwala sitombo, mi wa mu ezeza mufumahali wa hae. O Ndate, Ni lapela busihu bo kuli lizoho la Hao li tahe cwale mi li to eza nto tuna ye lu kupa yee. Mi babañwi ba, Mulena, musali yo yasweli kunyandiswa ki kulyangana mwa booko, ni babañwi kaufela baba na ni likupo, lu ba beya fela ku Wena, Ndate, ka lipilu za luna kaufela. Ka Libizo la Jesu Kreste. Amen.

Luli ki litohonolo fa kuba mo busihu bwa kacenu ni kuba ni sicaba sesinde se se ni talima. Ni lipina zende, baopeli nyana babande. Ne ni sweli fela kunahana ka kushutana, kakubona bashimani bani bayemi fani ni...balikani baba bonahala-kukena bani, milili ye kukuzwi hande i kenile. Ne ni sweli kunahana, maabani busihu, kaza-kaza sibaka ko Ni pila; sikwata sa ba bulai sataha kwani mi ba lika kunwelisa mushimani mwa lisa la kutapelo; nevana ni kubiza babañwi kuli ba ba leleke kwani. Ha ki shutano ni yeo, kubona banana bayemi, inge ba opela lipina za Evangeli; ha ki shutano ni yeo.

<sup>2</sup> Ka ku nahana, sina Muzwale Henry hana bulezi fani kuli, "baana bani ni milili yani sina basali mo ba lukela kubela," mwa bona. Yeo—yeo—yeo ki niti. Ku bonahala inge...Ni bona bashimani ba balika cwalo, mane ba beya lipini za mwa milili, kwa lifateho zabona. Mi ha Ni zibi, fokuñwi Ni bile ya zwafa. Ku bonahala inge ki—ki nako ya kukwenuha kwa niti. Baana balika kutina liapalo za basali, mi basali inge batina litino za baana. Mi baana ba siya milili ya bona inge basali, mi basali inge bana ni milili inge baana. Ki butata mañi bobuli ni sicaba se, nihakuli cwalo? Kikuli yena, luli, maikuto luli a muikutekelelo ni likute li zwile mwa naha ye ni sicaba se, lifasi le?

<sup>3</sup> Ye ki nako ye sabisa, kono ki nako ye tabisa hahulu mwa lifasi, ku to kutaza Evangeli. Kambe Ne ni ka yema fa mungundo a nako isika fita kale, mi Ndate na ka ni talima, mi ali, "Ki nako mañi mwahala masika aa yo tabela ku kutaleza

teñi?" Ne ni ka tabela ona ye cwale, ona nako ya cwale ye, Asika Kuta fela kale.

<sup>4</sup> Kutalima fa sicaba, se si inzi mo fapila luna... Mulikana ka wa mukutazi, mwa Tucson maabani, na pahami pelesa. (Ka kunahana muuna yo ni... musali yo wa butata bwa lisapo leliñwi mwa moongola.) Kakuli pelesa ye ne i mu wisize. Muuna yomuñwi na ni lizelize ka wani kiloko kakusasana cwana, kwa hotela yaka, mi ali, "Muuna yani uinzi kwa Sipatela sa Veterans, mi meto a hae a lutukile, mukokoto wa hae u lubehile, lipiyo za hae li kashelizwe fande, mi pilu ya hae ibata kutima." Mi se Ni kubamafafasi kwani, ka mañwele; luwaile lu beilwe kuyena kwa neku la hae, mi na mu lapelela. Mi ki yo uteni mo busihu cwana, uinzi ona fa. Fani neli maabani busihu. Bob, kana wakona kuyema fela foo? Ki yani fani muuna wateni, yena yo foo. Mulimu wa alabanga litapelo, ibe kakusasana, musihali, mwahala busihu, kamba ka nako kaufela.

<sup>5</sup> Cwale, Ni—Ni mukutazi ya lata hahulu ku ngolangisanga, sina mo ba li bizeza. Ni toile fela ku kalisanga nako ya busihu cwana, mi—mi Ni hupuzi fela kuli Ni tahe kwanu. Busihu bobuñwi, kupalañi, ne lu sweli kuambola kwanu mwa sibaka sesiñwi, mi ka... mizuzu ye fifitini kasamulaho Ni ma no kalisa, batu ne ba sweli kunanula mikeke inge ba ni bonisa yona, "Tuhela! Kuza, u lukela kuzwa fa," inge ba zuba makwai, ni kuzwelapili cwalo. Ne si mu—mu mulatu wa mikiti, ne li sicaba bo ne lu lifela muyaho wabona. Mi musa la bo—bo muina sipula ayo potoloha ni kubulelala muina sipula, ali...

<sup>6</sup> Ali, "Kihande, mu lukela kuzwa mo ka 9:30."

<sup>7</sup> Ali, "Ha mu si ka bulela cwalo mwa tumelelano."

<sup>8</sup> Kalibe yoo, busihu boo, natile kwanu (kalibe yomunde luli) mi ki hali, "Ne lu utwisisa kuli mu bata kueza cwalo," ali, "mube fela ni zona kuya ka mo mu batela." Kacwalo sani neli sesinde hahulu. Kacwalo Ni itumezi hahulu ka seo. Sani ki sesinde luli.

<sup>9</sup> Muzwale Henry, Na itumela luli kwa—kwa sishemo sa hao sa ku ni mena kwanu, ona mwa sikhata se.

<sup>10</sup> Ne ni bile ni kolo maabani busihu ya kuba mo mwa Assemblies of God ko Ni lumela kuli Muzwale Boone ki yena mulisana. Ne ni bile ni nako yende kwani ni sikhata sa batu bani. Mi kamuso busihu lu ka ya kokuñwi kwanu, Hani zibi kuli ki kai, mi ki sikhata si sili. Ba ka litokomela zeo; Ni zwelapili fela kulapela, kubala, ni kutundamena ona cwalo, mi kona ze Ni kona kuba ni zona.

<sup>11</sup> Kono, cwale, lu bona lika ze ipitezi mwa lizazi lee. Cwale Ni hupula nako yefelile ha ne Nili kwanu, neli mwa mukopano wa tende. Na hupula ka kubulela fateni maabani busihu, za mutu ni musala hae bene ba tisize mbututu wabona ya na shwile. Ki—ki kokuñwi kwanu, ne ba zamaile ni mota musihali kaufela ni busihu. Me yomunyinyani ainzi, aswabile, asweli mbututu

yomunyinyani yani mwa mazoho a hae. Cwale, hakulata uteni mo cwale, kuya ka mo Ni zibela. Mi yena...muuna hae wa mwanana, ni babañwi cwalo baba nyalani, mi ne bali...Mi ki hali...a ni buza haiba Ne ni ka taha (muuna yani a ni buza) kwa mota. Na zwiseza mbututu yani fande mi ne ni sweli fela, mutu ya shwile, ya omelezi, ya batile cwalo; mi Na kala kulapela. Mi ha Ni lapela, mubili wani wa kala ku utwahala inge o kala ku futumala. Kacwalo Na fela...Na zwelapili kulapela. Akala ku lahaka ni ku zamaya, cwalo, kacwalo Na...a kala kulila. Na mu tambeka ku bomache, ba kuta kwa ndu ni yena. Kacwalo, hakulata mwendi ha ki Bakreste, kuya ka mo Ni zibela. Mwabona? Zani neli zende.

<sup>12</sup> Kono se Ni sweli kunahana, busihu bo, Ni ziba keleke yesweli kushwa, hape, ki sicaba sa hesu sa Mapentekota. Lu lukela ku zwa mwa lika ze, uh-huh, ku felile. Mi nzila fela ye mukona kueza zeo ka yona ki tapelo ni kutomahanyiwa hande ka Linzwi la Mulimu. Kona nzila fela nzila inosi ye lu ka eza ka yona. Kuna ni fela nzila iliñwi ya kuzwa ka yona, Yena ki Nzila yani, Jesu Kreste ya swana maabani, kacenu, ni kuyakuile. Kana lu bata kuli keleke ya luna ikene mwa buino bwani sina ha na bulezi kwani, sina mwa England? Kona libaka ha Ni bile cwalo, mu nahane, ka buhali hahulu, ha ni mi omanyanga. Mi ha Ni talusi kueza cwalo, kono ha Ni lati kubona keleke haikena mwa mufuta o cwalo. Ha mu lukeli kuba mwa buino bwani. U—u lukela fela fela ku Li utwahalisa hande katata kufitela u Li beya hande ka kulamatela. Li na ni kuba ona cwalo.

<sup>13</sup> Kacwalo cwale, busihu boo, Ni na ni fela...Mañolo nyana ni palo fa ye Ni bata kuambola fateni fa nako nyana. Hanina kubulela cwalo ka nako yeñwi. Mu ka katala, kiñi...Na kona kufeza ka mizuzu ye mashumi amalalu, mi kuitingile fela... Ni tabela fela ku li siyela Moya o Kenile, ka Mo alatela ku zamaiseza.

<sup>14</sup> Halu inamiseñi litoho za luna fa nako nyana fela, lu bulele ku Mukalisi lu si ka apula kale Buka ya Hae.

<sup>15</sup> Mulimu Yamata kaufela, yena Mukalisi wa Buka ye, ka Jesu Kreste lwa lapela. Lu itumezi ka se lu utwile kale busihu boo. Haiba lu swanelia ku—ku bulela linzwi la kuli, “Amen,” ni kuya kwa mandu, ne ikaba nto yende kuba mo, kakuli lu ziba kuli U bile ni luna. Mi, Ndate, halunze lu apula Linzwi le, cwale ambola ku luna ka swanelo kuzwa mwa Linzwi le, kuli lukone kuziba hola ye lupila ku yona. Haiba lu ziba hola ye lupila ku yona, kona kuli lwakona ku itukiseza hola yani; kono haiba lu kena fela kusina kuziba *sika* kamba kwa *kuya*, fohe ha lu na kuziba mwa ku itukiseleza. Kacwalo, Ndate, lu lapela kuli U lu lumeleze kubona Areka kwani, mi Sikwalo, si kwaluhile, ni Liñusa li lu bizeza mwahali. Lumeleza cwalo ka Libizo la Jesu Kreste. Amen.

<sup>16</sup> Mwa Mañolo a Kenile, Ni bata kubala tuto fa, ye fumaneha mwa Buka ya Muñoli Luka, fa kauhanyo ya 24, ki . . . Ni ka kalela fa timana ya 13, ni kubala siemba sa Yona.

*Mi, isali ka lizazi leo balutiwa bababeli ne baya kwa munzi nyana o bizwa Emausi, buhule bwa ona ni kwa Jerusalema bu bata kulikana ni limaili—limaili ze sebene.*

*Mi ba i kambolela hamoho . . . ze tahile kaufela.*

*Mi kwa ezahala kuli, bali ba sa ambola, mi cwale . . . Jesu yena luli a sutelela, mi a zamaya ni bona.*

*Kono meto abona na palelwa ku mu ziba.*

*Mi ki hali ku bona, Ki zañi litaba ze mu ipulelela, munze mu zamaya, mi mu swabile?*

*Mi alimuñwi wa bona, wa libizo la hae Kleopa, a alaba mi ali ku yena, Kana ki wena ulinosi kwa baenyi ba ba mwa Jerusalema, mi ki wena ya sa zibi ze tahile mwateni mazazi . . . a kaufela?*

*Mi ki hali ku bona, Litaba lifi? Mi ki ha bali ku yena, Za Jesu wa Nazareta, ya neli mupolofita ya mata mwa misebezi ni mwa manzwi fapila Mulimu ni fapila sicaba kaufela:*

*Ni mo baprista ba bahulu ni manduna'a luna ba mu fezi ku atulelwa . . . lifu mi ba mu kokotezi fa sifapano.*

*Kono luna ne lu sepile kuli ki yena yana ya ka lukulula Isilaele: mi ni ha kubacwalo, se li lizazi la bulalu isamba zeo li ezahala.*

*Eehe, mi basali ba bañwi ba ku luna ba lu komokisize, bane ba ile kwa . . . baile kwa libita;*

*. . . ha ba si ka fumana mubili wa hae, ba taha, bali, kuli ne ba boni pono ya mangeloi, a baba bulelezi . . . kuli wa pila.*

*Mi babañwi ba bona bene bali ni luna kwa libita, mi ba fumani kuinzi mo ba bulelezi basali: kono yena ha ba . . . si ka mu bona.*

*Mi ki hali ku bona, Mina likuba, ba lipilu ze liyeha ku lumela (isiñi ku lumela) litaba kaufela ze bulezwi ki bapolofita:*

*Hanili swanelo ne li kuli Kreste a utwiswe butuku bo bu cwalo, kihona . . . a kene mwa kanya ya hae?*

*Mi a kala ka Mushe aisa kwa bapolofita kaufela, inza ba taluseza . . . za mwa mañolo kaufela za bulezwo ka zona.*

Mulena Akeze limbuyoti za Hae kwa palo ya Manzwi a Hae.

<sup>17</sup> Cwale Ni nga . . . haiba Ni ibiza kuba tuto, Ni tabela kunga yeli: Likezahalo . . . *Likezahalo Za Cwale Libonahaliswa Hande Ka Sipolofita*. Cwale, kamita ibile nzila ya Mulimu . . . nzila ye sa cinci ya Mulimu kwa ku zibahaza- . . . kulumeleza sicaba sa Hae kuziba likezahalo li si ka ezahala kale.

<sup>18</sup> Haiba sicaba mwa mazazi a Mulena Jesu ne ba ka bata fela Mulimu ni kuziba se ne si na ni kuezahala, ne ba si ke ba kokotela Jesu kuisa lifu. Kono libaka ha ne kuli cwalo, kakuli Mañolo nana ni ku talelezwa, kakuli Majuda ne bana ni ku foufazwa. Kaufela luna lwa ziba cwalo.

<sup>19</sup> Kana mwa ziba kuli zeo li sepisizwe hape mwa lusika lo lupila ku lona loo? Lusika lwa Keleke ya Laodesia, ona lusika lwa keleke ya busebene lo luli ku lona cwale, lu mapunu, ki mwelwa, lumwa bubofu, mi ha lu zibi cwalo. Ka kuswana sina mwa Na ba foufalize kwa mulaho kwani ka mulelo wa kuisa Liñusa la Hae kwa sicaba se si ketilwe, U sepisize kueza nto yeswana ni kacenu.

<sup>20</sup> Mi haiba Ni bulela se ka likute kwa mizwale yaka kaufela ni likezeli ku Kreste: Leliñwi la mazazi aa yomuñwi uka bulela kuli, "Hanili ku ñozwi kuli lika ze li na ni ku ezahale pili?"

<sup>21</sup> Mi ikaba ka nzila yeswana mo ne kuinezi ka nako yani, "Kaniti, Ni li ku mina, u tile kale, mi ba mu ezize mo ba latezi kaufela."

<sup>22</sup> Ha ba Mu buza, bali, "Kiñi, bañoli habali, mi Mañolo abulela kuli—kuli 'Elia uswanezi kutaha pili.'" Ne ba bulezi cwalo ku Jesu.

<sup>23</sup> Ki hali, "U tile kale, mi ha mu si ka mu ziba." Mwabona? Mi cwalo mwendi kona mo li ka felela hape.

<sup>24</sup> Cwale lu bata ku beiwa fa ngandaleza, ka kuziba se si lukela kunga sibaka sa lusika lo lupila ku lona loo. Mulimu utomile Linzwi la Hae kwa lusika lufi ni lufi, hahulu kwa lusika lufi kaufela, mi lu swanela kulemuha kuli lusika loluñwi halukoni kukena mwa lusika loluñwi. Fela halina kubeleka. Ka mutala, sina ha Ni bulezi, Na lumela maabani busihu kamba . . . Na kamita ni bulela, busihu ni busihu, libaka, mi fokuñwi Ni bulelanga tba yeswana nako ya bubeli. Ha ni talusi ku kutelanga cwalo, kono ki . . . Ni bulela cwana: Ki sikamañi . . . ki bunde mañi bo ne bu ka eza Mushe ka kulika ku kutaza liñusa la Nuwe? Kamba ki bunde mañi bo ne bu kaba teñi . . . kuli Jesu a na ka lika ku kutaza liñusa la Mushe? Kamba ki bunde mañi bo ne bu ka eza Martin Luther kuzwelapili ni liñusa la Katolika? Ki bunde mañi bo ne bu ka eza Wesley kuzwelapili ni liñusa la ba Lutheran? Ki bunde mañi bo ne bu ka eza Mapentekota kuzwelapili ni liñusa la Methodist? Kamba ki bunde mañi bo bu ka eza Pentekota kuzwelapili foo Munyaliwa ha ka bizwa? Mwabona, lu keni hande mwa nako ya peu, lu kwa nako ya

maungulo. Cwale, kwanda kuli taku ya mabele iwele mwa mubu, i ka ina ili nosi.

<sup>25</sup> Sina muhanyezi, sina ha Ni bulezi manzwi amañwi kuzwa mwa buka, hakulata muna ni yona mo mwa—mwa muleneñi wa mina, yena muñoli wa mu German yani ya na ñozi litaba zeñata zelwanisa yani. Ki ya sa lumeli mwa bulapeli. Kakuli isiñi... Ha ni mu nyazi kakuli u ni nyazize hahulu; kono, kakuli, kakuba ya sa zibi za bumulimu, buka hailukeli kuba fa mashelufu. Mi ki hali, “Mulimu yana ka ina ni kubulela kuli Aka kwalula Liwate Lelifubelu ni kulamulela sicaba sa Hae, mi ni kuina ni mazoho a Hae fa mba ya Hae ni kubona mwahala Masika a Lififi Bakreste bani bene ba pazulwa mwa liemba emba ka litau; bahame bani ni milili yabona inge i lambiwa mwa sileze sa taa, ni kupahekiwa fa lifapano ni kucisiwa; mi mbututu wabona... bashemi babali fa buima, ne ba ba pazula fa limba ni kulaula ka kunuha haiba mwana ki mushimani kamba musizana; mi ali kuina atuhela liezahala; sicaba sene si lukela kuba batanga ba yena Mulimu yoo.”

<sup>26</sup> Mwa bona, Mañolo ki susumezo. Hamukona ku kona kuziba Mañolo ka kuina fela ni ku Abala ka mukwa wa lituto za bulapeli, kuzwa ka mayemo a tuto; ha li si ka beleka fateni cwalo.

<sup>27</sup> Ne ni ambola ni mukutazi wa Baptist ha ki kale hahulu, na ize, “Kufitela lu ituta Sigerike se si swanela, kufitela lu...”

<sup>28</sup> Se nili, “Mwa Katengo ka ba Nicaea, ku sikaba kale sani, ne ba sweli ku kanana ka manzwi a Sigerike mwa Bibele.” Hamuna ku A ziba.

<sup>29</sup> Bibele ina ni ku patululwa ka susumezo. Yeo kona nto inosi fela, ki sinulo. Jesu na bulelezi Pitrosi kuli, “Fa licwe le.” Licwe la sinulo le li patulula Yo ali Yena. “U fuyozwi wena Simoni, mwana Jonasi, nama ni mali ha li si ka ku patululela zona, kono Ki Ndate ya mwa Lihalimu ya ku patululezi seo; fa licwe le Ni ka yaha Keleke ya Ka.” Isiñi ku Pitrosi, isiñi ku yena Kasibili, kono fa sinulo ya moyo ya Yo nali Yena.

<sup>30</sup> Mi Yena ki Linzwi! Muhalalehi Joani 1, “Kwa simuluho nekuna ni Linzwi, mi Linzwi na li ku Mulimu, mi Linzwi neli Mulimu. Mi Linzwi a ezwa nama mi a to yaha ku luna.” Maheberu 13:8, “Ki ya swana maabani, kacenu, ni kuyakuile.”

<sup>31</sup> Kabakaleo lupila mwa lizazi ha ku bonahala Linzwi la Mulimu li na ni kutaha kwa lusika lo lu shutana kufita lusika lwa Pentekota. Mi yeo ki niti. Muhupule, mu ka... Ni mutu ya si ka ituta; kono hamukoni kupuma ze bupilwe, kakuli Mulimu ubeleka mwa zwelopili ya pupo. Inge fela, sina ha Ni bulelanga, za lizazi ha li pazula ni ku likela; mi li fita mwahala musihali, mi sina nako yakukena sikolo; ni kushwa mwa manzibwana, ku zuha hape habusa. Likota lituhela mezi a mununo wa kota mwa

nako ya maliha, kukena mwa mibisi, ni ku yo kuta ka nako ya litabula.

<sup>32</sup> Mulemuhe, Na Li swanisize kwa peu ya buloto, yena Munyaliwa, libaka leo Mulimu na tuhelezi sani kuya ona cwalo. Yona Keleke yende yani, ya niti, yene tomilwe ka Lizazi la Pentekota, ne i hulile ni kuhula kuzwa ka Lizazi la Pentekota, kutaha mwa keleke yetuna, neina ni kuwela mwa lifasi mwa Lusika lwa Lififi lwani ni ku pumbekwa inge peu kaufela mo i ezeza. Neina ni kushwa kuli ikone kutaha mwa Kuongaonga hape. Ne i tile ka mutu wa Kuongaonga, Martin Luther. Mi kuzwa fani kuswana sina lutaka lwa buloto ha lu taha. Taba yapili yetaha ki matali amabeli alikani, mi i zwelapili kuekeza matali amañata. Mi kwa taha Martin Luther, ni Zwingli, ni kushetumuka cwalo, Calvin, mi hane ba nze ba zwelapili cwalo.

<sup>33</sup> Mafelelezo ya kena mwa sibunga. Cwale, yani neli John Wesley mwa lusika lwa Wesley. Ne ina ni mununo ono wile hape.

<sup>34</sup> Kuzwa fani kwa taha lusika lwa Pentekota, bukaufi hahulu, mane fela inge bubeke bwa niti bwa buloto haiba mutualima fa lutaka. Kono haiba mukanga buloto bwani ni ku bunyunga kwateni, hakuna bubeke mwateni ni hanyinyani, ki sikapi fela mwa *sibupeho* sa bubeke. Kono siinzi fani ka mulelo, kuli si bukeleze bubeke kufitela... Haiba lizazi li nata fateni *cwalo*, nelikai bulaya.

<sup>35</sup> Ina ni kuina ona mwani kufitela nako yeñwi, kipeto Bupilo kaufela bu siya sikapi (hane I siile lutaka cwalo, kwazwa mununo), kuzwa mwa sikapi kukena mwa buloto, ni kubupa hape inge mo ne ibezi mwa mubu.

<sup>36</sup> Cwale, kaufela luna lu ziba kuli nako kaufela liñusa ha li fiwa, mwa lilimo zetalu ba panga kopano. Ha ba eza cwalo, za li bulayanga ona fani; ne kubile cwalo mwa mazazi a Luther, kakuli, ne kubile cwalo mwa mazazi a Wesley, ne kubile cwalo mwa mazazi a Alexander Campbell, ni babañwi ba bona kaufela, mi ba eza cwalo mwa mazazi a Pentekota. Luli! Mwabona? Mu fita fa sibaka sa kuli mañi ni mañi uba ya omelezi mulala, ni kuba kwahule, mi ha ba koni kuamuhela sinulo yenca. Ba ina fafasi; mi ki bani fani, mi ki bao ba shwa. Mi Bupilo buya mwahala lika zani, ni kuzwelapili ku yo panga buloto. Mi cwale buloto ha bu taha, Bupilo bwani bu kena mwahala buloto bwani, ili zuho, kutisa taba yateni kaufela; eni, kutisa fela kwa Kungelwa.

<sup>37</sup> Cwale, muhupule, Liñusa le ne li kalile pili ka foliso ya Bumulimu, kueza limakazo. Cwale, haiba Mulimu na ka tuhelela zeo kukena mwa keleke ye bunolo fela, inge fela mo ne lu bezi kale, konakuli ne si Mulimu. Mulimu ha i kuhumusi; Yena—Yena ha tokwi kueza lika zeo, kuli a lu nyakalalisa, sina luna ma American mo lu twaelezi (minyaka), kono U eza cwalo

kuli hohele kutwisiso ya sicaba, zeo Asweli kulukiseza sesiñwi kunga sicaba.

<sup>38</sup> Amu Mu talime Yena luli ha Na tile. “Mupolofita yomunde yomunyinyani, muluti, mupolofita wa kwa Galilea.” Kiñi, bulumiwa bwa Hae neli bo bunde, Na amuhezwi mwa keleke kaufela.

<sup>39</sup> Kono zazi leliñwi Ainafafasi, ali, “Na ni Ndate Lu nto Ilinwi.”

<sup>40</sup> “Oh, mawi!” Sani ne si zwile. “Muise kafoo mutangana ya cwalo yani!”

<sup>41</sup> “Kwanda kuli muce nama ya Mwana mutu, ni kunwa Mali a Hae, hamuna Bupilo mwahala mina.”

<sup>42</sup> “Kiñi, ki silumba! Muzwe ku mutu ya cwalo!” Mwabona?

<sup>43</sup> Mwabona, nekuna ni sene si lukela kulatelela sisupo sani. Mwabona, sesiñwi sa latelela.

<sup>44</sup> Sikapi ne si sweli, kono cwale sikapi sa comoha kwateni; sina ni kuba cwalo. Mi muhupule, myaha ye mashumi amabeli ifitile mi hakuna likopano ze tahile mwatensi, mi ha li si ka ba cwalo. Lu kwa mafelelezo a likopano, buloto bu se bu bile kale ni sibaka. Kono ki butata mañi bobuli ni buloto cwale, hamukoni ku... buna ni kuina Fapila Mwana, kuli i buzwise, mukutuli a si ka kubukanya kale.

<sup>45</sup> Cwale, likezahalo ze lubona linga sibaka, se li bonisizwe handende mwa Bibebe, mwa lusika lufi ni lufi. Lu nahana kuli kaufela luzwile mwa sikkenda, kono ha lu cwalo, lika kaufela li zamaya fela hande ka Linzwi la Mulimu.

<sup>46</sup> Cwale, Bibebe ki buka ye shutana kwa buka yeñwi kaufela ye kenile. Hakuna buka yeswana ni Bibebe, kakuli Bibebe ki Mulimu mwa mufuta wa Linzwi. Mwabona? Ki... Linzwi ki muhupulo o bonahalile. Munahano wa Mulimu u Li bonahalize, Manzwi a Hae ka bapolofita; mi ba ñola Bibebe, yeli mwa mufuta wa Linzwi. Mi Jesu a I biza kuli, “ki Peu.” Mi peu ifi kaufela ika tisa za mufuta wa yona haiba i mwa buino bo bu lukile, sibaka sa yona se si lukile. Cwale, Buka ye ya...ki...Buka ya sipolofita ye, I—I bulela likezahalo ze sa taha. Cwale, Buka ina ni sinulo kaufela ya Jesu Kreste. Musike mwa ekeza ku Lona kamba kuzusa ku Lona, mi sinulo kaufela ilukela kutaha ka Lona. Mwabona, ilukela kuba Linzwi.

<sup>47</sup> Kacwalo sicaba sili, “Ni bile ni sinulo.” Eeni, lwa ziba Joseph Smith ni babañata neba na ni sinulo ni lika zeñwi, kono ne ba shutana ni Linzwi.

<sup>48</sup> Lina ni kutaha kuya ka Linzwi haiba li zwelela ku Mulimu, kakuli lina ni kubonisa kamba kupaka Kubateni kwa Mulimu. Mi Na zibile kale lika ze kaufela, kakuba... Ka kuziba kwa Hae kwa makalelo Na tomile kale, ze lukisizwe (li bizwa mwa Bibebe kuli, “ku lemuhiwa”) lusika lufi kaufela kwa sibaka sa

lona, mi mutu kaufela kwa sibaka sa hae, ni mulumiwa kaufela kwa sibaka sa hae. Yena ki Mulimu, diabulosi hakuna sa hohela ku Yena. Mi Yena ki Mulimu, mi U lukisize lika kaufela kuli li ezahale, ni li wela hande mwa sikuka ka Linzwi la Hae.

<sup>49</sup> Kacwalo haiba lukona kubona, ka Linzwi la Hae, lusika lwateni mane ni nako ye lupila ku yona, muka libona ona mwa Bibebe mo, mwa lusika lo, se lu lukela kuba... se si lukela kunga sibaka ka nako ye.

<sup>50</sup> Cwale, li—li libuka zeñwi, lu fumana libuka zeñata ze ba biza kuli “libuka ze kenile,” ni zeñwi cwalo. Mi Ni balile ko—ko Koran ni zeñwi zeñata. Kono, mwa bona, libuka zabona—zabona ze kenile ki libuka fela za ku ikuteka, miinelo, kamba lituto za bulapeli.

<sup>51</sup> Kono Buka ye ki Mupolofita, Ki ye shutana kwa buka ifi kaufela. Bibebe ki Linzwi la Mulimu le li bulela za kwapili. I bubblela ze sa taha mi Ya fela cimo temuso.

<sup>52</sup> Haiba Mulimu alumia sika, U bulela ni ku sepisa mwa Bibebe kuli hakuna sa Na ka eza fa lifasi kufitela pili A si patulula kwa batanga ba Hae bapolofita. Yeo ki Amosi 3:7. Yena... mi Mulimu hakoni kubulela buhata. Wa Li patulula, yeo ibile nzila ya Hae ya kueza lika mwahala masika kaufela. Ha si ka palelwa kueza cwalo.

<sup>53</sup> Cwale, lu sepisizwe, mwa mazazi a maungulo, kuli se si kutiswe. Hakuna kuba—hakuna keleke, hakuna kopano, Methodist, Baptist, Presbyterian, Mapentekota, habana kükona (mwa buino bwa bona bwa kacenu) kunga keleke ye ku Munyaliwa. Habakoni kueza cwalo, ba palelwa. Ba tundamena hahulu kuswala mimizo ya babañwi, mane bulifasi se bu keni mwateri, ni zeñwi cwalo, mi—mi ba shwela mwa mitala ya bona. Mi kacwalo Mulimu u ziba cwalo.

<sup>54</sup> Ni kupatulula Linzwi le, yo uli, “Kihande, Ni nani *se*. Mi kufuyolwe Mulimu, Ki nto ye *cwalo*.” Kona mo ne kuinezi fela Jesu ha taha nako yapili; mañi ni mañi una ni tuto, mañi ni mañi una ni *se*. Sina ni kuba sesiñwi se si lumilwe ku luna kuzwa ku Mulimu. Mi Mulimu u si sepisize. Mi nzila fela ya Ka eza ka yona, ki—ki kubuluka mukwa wa Hae o swana. Na sepisize ku lu lumela, mwa mazazi a maungulo aa, kuya ka Malaki 4, mupolofita mwa lifasi, “Ya ka fetula lipilu za sicaba kukutela kwa, lipilu za bana kukuta kwa bashemi ba baapositola hape.” Na sepisize zeo mwa Linzwi la Hae. Luka 17 ni libaka zeñwi kaufela mwa Na li sepisize, zeo Yena... za Na ka eza mwa mazazi a maungulo aa kuli atise taba ye kwa Linzwi le lipakilwe.

<sup>55</sup> Mwabona, mutu wakona kubulela sika kaufela, kono kwanda kuli Mulimu atoloke Linzwi leo... Mwabona, cwale, luna ni toloko ya luna bañi, lu bulela kuli Si talusa *se*. Mi yo yena, Methodist, ubulela *cwana*, ba Baptist ba bulela *se*, ba Pentekota ba bulela *se*, ba Oneness ba bulela *se*, ba Twoness ba bulela

*cwana.* Mi, oh, mawi, ki fo he cwale. Kono Mulimu hatokwi mutoloki, Yena ki Mutoloki Ili Yena. Wa itolokelanga Linzwi la Hae Tota ka ku Li aka mwa lusika lo Li lumezwi, lona lusika lo Li filwe.

<sup>56</sup> Ha lu pili mwa lusika lwa Pentekota, lupila mwa lusika loluñwi. Mwabona, ha lu pili mwa lusika lwa ba Methodist, lupila mwa lusika loluñwi. Lu pila mwa lusika lo lupahami lo lwa Munyaliwa, kubizwa kwa Keleke ni ku I baakanyeza hamoho kwa Kungelwa. Loo kona lusika mo lupila cwale. Ku ya ka muhupulo waka hande yeo kona Niti.

<sup>57</sup> Mi Buka ye ki buka ya bupolofita. Balumeli ba yona ba laelwa ku I kuteka ni ku I bala, ni ku lumela Muña Yona, kakuli Linzwi kaufela le liñozwi mwani li lukela ku ezahala. Liki kaufela ze sepisizwe lina ni kuezahala, kakuli Ki Jesu Kreste mwa lusika lufi kaufela. Yena ya swana maabani, neli Jesu Kreste, ya nali ku Nuwe; neli Jesu Kreste ku Mushe, neli Jesu Kreste ku Davida, neli Jesu Kreste ku Josefa; ki Jesu Kreste, ya swana maabani, kacenu, ni kuyakuile. Mi ki Jesu Kreste mwahala sicaba sa Hae kacenu, yaeza lika za Na sepe size kuli Uka eza mwa lusika lo. Ki Jesu Kreste.

<sup>58</sup> Kono keleke se ibile ye omelezi hahulu, i kwahule hahulu, sina muzwale hana bulez fa. Mi—mi likeleke za luna liba ka nzila yeswana, kufitela lu ba ni sesiñwi sa ku lu nyunga kukutela kwa Linzwi. Kana lu ziba cwani kuli li ka ezahala? Lina ni kutaha kuya ka mulelo wa Mulimu Kasibili. Haikoni kutaha ka mutu wa fela fela, halina kutaha ka muuna wa pisinisi, halikoni kutaha ka likeleke. Mulimu u lukisize kale mulelo wa Hae.

<sup>59</sup> Ne ni kutilize mo mwa Shreveport zazi leliñwi, fa silimba sa mwa na ha kaufela, kuli, *Kulika Kuezeza Mulimu Sebelezo Isi Ka Tato Ya Mulimu*. Davida na likile kutisa areka ya Mulimu kukutela mwa ndu. Na li mulena ya tozizwe. Kiñi, na—na buzize lindumeleti za—za hae, bo kapitao ba hae baba busa sikuwata sa likiti kitii, ni likiti ze lishumi, ni zeñwi cwalo. Mi kaufela se bali, “Leo ki Linzwi la Mulena.” Mi ba buza muprisita kuli, “Sani neli sesinde.” Mi kaufela bona ba susumewza hahulu, ba huwa, ba eza likezo kaufela za bulapeli zeneli zona. Mi ne li shutana ni tato ya Mulimu, kakuli nekuna ni mupolofita mwa na ha wa libizo la Natani mi mane na si ka mu buza ka zona. Mwabona? Mi lu fumanii kuli ne li si ka beleka ni ha ne ba sepahala, kulika kuezeza Mulimu sebelezo.

<sup>60</sup> Mi wakona ku ba ya sepahala hahulu; kono, kufitela luziba se lueza, u sweli fela kulwanisa moyo. Kute4la kwa Linzwi la Mulimu bu kuba hande mwa sikuka, mi ni kuya; mi uka ziba. Sina mu—mu musole, ha sa zibi sa kueza konji haiba uba ni litaelo za kueza. Lu lukela kuba masole ba Sikreste, ni kunga litaelo kuzwa mwa Bibebe ka hola ye; isiñi mubulelelo wa

maabani, mubulelelo wa maloba, kono mubulelelo wa kacenu (ka nzila ye luya kayona). Lu fumane hola ye lupila ku yona.

<sup>61</sup> Likezahalo za cwale za lu fitelela kapili luli, mi zazi leliñwi lu ka fumana kuli lu ka siyala mwa mulaho kusina sika, ni ku ngelwa, kuswaiwa mwa nombolo ya sibatana lu si ka ziba kale.

<sup>62</sup> Cwale, mi ka tibelelo luna ni kulibelela taba ye, kwa sipolofita se si sepisizwe, yeñwi ni yeñwi ya zona ilukela kutalelezwa mwa lusika lwa yona. Kakuli Li lu bulelela ze sa taha, Mukalisi wateni uezize kale se, mi lu libebezi ku Mu bona ha li eza hape. Ki nako yecwani ye lupila ku yona! Nto yeswana sina—sina kalenda; mutualima fa kalenda kuli mufumane kuli ki lizazi mañi le mupila ku lona, mi mutualima fa Bibele ya Mulimu kuli mubone lusika lo lupila ku lona. Ha lu pili mwa lusika lwa ba Methodist, lusika lwa ba Baptist. Lu pila mwa lusika lwa Munyaliwa, ili pizo, ya ku kutela ku Mulimu ka nzila ya Na sepisize ku li kutisa ka yona. Na sepisize kueza cwalo.

<sup>63</sup> Kono sina mo kubezi mwa lusika kaufela, batu ba tuhela kuli mutu a beye toloko ya hae ku Lona ka lituto za bulapeli, mi habana kulumela ponahazo ya Mulimu ya Bumulimu ka Yona. Yeo ki toloko ya Mulimu. Isiñi se Ni bulela, sa bulela mutu ufi kaufela, kono sa sepisize Mulimu; ni sa eza Mulimu, si paka kuli ki Mulimu ya eza Toloko ya Hae Tota ya Linzwi la Hae.

<sup>64</sup> Ne ba mi bulelezi Mapentekota, myaha ye fote-faifi, myaha ye fifite kwa mulaho, bo maa mina ni bo ndata mina, hane bali Mapentekota ba niti, ba zwa mwa kopano ni ku to kuta sika sani ni kuzwa mwateri: Mi sina nja kwa mataza a yona, ba kutela ku yona hape, u ezize nto yeswana yene bulaile keleke yani, u bulaile beili ba hao ka nto yeswana. Hakuna ze ni nyazazeza sicaba se sili mwani, hakuna se ni nyaza ka bona, ki milao ya sika se si sweli kueza cwalo.

<sup>65</sup> Kwa ndu Ni...ya kwa ndu...Ha ni kutazangi taba ye mwa mukopano wa mutu. Ni ka kutaza *Nzila Ya Noha*, mi mu teelete ku yona haiba munga matepu.

<sup>66</sup> Mi, mulemuhe, ne ba si ka bona tiisezo ya sipolofita sa Linzwi la Mulimu ha si talelezwa. Haiba baprisita bani...Ne ba li boni handende ona cwalo Mesia mwa na ka tela, ne ba ka ziba sene si ka ezhala. Bafari...Bafarisi ne ba na ni muhupulo wa bona, Basaduki, Baheroda, ni babañwi kaufela, nebana ni mihupulo ya bona. Kono Na si ka taha...Na tile ka kushutana ku mañi ni mañi wa bona, kono ka swanelo ni Linzwi. Jesu na bulezi nto yeswana fa: "Kambe mu Ni zibile, ne mu ka ziba lizazi la Ka. Kambe mu zibile, ne mu ka...Mu li, 'Kihande, Mushe! Luna ni Mushe.'" Ali, "Kinî, kambe mu lumezi Mushe, ne mu ka Ni lumela; kakuli, u ñozi za Ka."

<sup>67</sup> Kono, mwabona, fani Mulimu hana sweli kupaka hande za Na sepisize, neba na ni zona ka nzila yeñwi ye ipitezi yeo Jesu na lukela kutaha ka yona, mi ni...Ni talusa Mesia. Mesia nana ni

kutaha kwa sikhata sa bona kusi cwalo Na si Mesia. Kihande, kona ona cwalo, kacenu, “Haiba ha mu boni ka magilasi aka, ha mu talimi ni hanyinyani.” Mwabona, mi cwalo kona—kona fela mo—mo kuinezi. Luna . . . Yeo ki niti. Lu toile ku nahana cwalo, kono ki Niti luli.

<sup>68</sup> Mwa Maheberu 1:1, Mulimu mwa linako za kale na ñozi Bibebe ka nzila ya Hae ye ketilwe. Na si ka I ñola ka baituti ba za bulapeli, kamba mane nihaiba kuli Na toloka ka baituti ba za bulapeli. Kwali kuba kube nako yeo—yeo baituti ba za bulapeli bakile baba ni toloko ya Linzwi la Mulimu. Toloko itahanga fela ku mupolofita. Mi nzila inosi fela yelukona kuzwa mwa butata bo ki kuli Mulimu alu lumele mupolofita yani, ona mo ku ka ezahalela feela. Li bile li lumelwa, li libelezwi, ni—ni kutalelezwa.

<sup>69</sup> Mwabona, Ne li si ka ñolwa ki mutu, kono Ne li ñozwi ki Mulimu. Ha ki buka ya mutu, Ha ki buka ya za bulapeli. Ki Buka ya Mulimu, yeli Buka ya sipolofita yeñozwi ki bapolofita mi itolokilwe ki bapolofita. Bibebe ibulezi kuli, “Linzwi la Mulena litahanga kwa bapolofita.” Luli!

<sup>70</sup> Haki bunde ni boo bone bu bulezwi, kamba, ku boniswa fani Jesu ha taha mwa lifasi, mi Joani nali mupolofita wa lizazi lani, mi na—na polofita. Se bali, “Oh, utalusa kuli Mulimu uka sinya sinya tukwata twa luna kwanu ni lika ze kaufela? Mi ku kaba nako, fo li—li litempele za luna halisana ku lapelelwa teñi?”

<sup>71</sup> Na bulezi kuli ne ku ka taha nako fo Mulimu hana ka eza sitabelo kuzwa ku Ngunnyana ya Mulimu, ali Mutu. Mi abulela kuli—kuli na ka Mu ziba nako Ya taha. Mi ki hali . . . Na ikolwisisa hahulu ka liñusa la hae, ki hali, “U yemi mwahala mina cwale mi ha mu zibi cwalo.” Uteñi mwahala mina mi ha mu zibi cwalo.

<sup>72</sup> Mi zazi leliñwi Jesu ha zwela fande, Joani atalima mwahalimu ni kubona sisupo sani fahalimwa Hae, ki hali, “Amubone Ngunnyana ya Mulimu ye takula sibi sa lifasi.” Ona muzuzu oswana wani Jesu a ziba ka nako yani kuli Na pakilwe fapila sicaba. Cwale, Nali yena Linzwi, kikuli lu ka kakanya sani? Bibebe ibulezi kuli Nali yena Linzwi, “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama mi a to yaha ku luna.” Mi ki Yo fa, ki . . . Ki le fa Linzwi mwa lifasi (mutalime! ka kupetahala!) litaha hape mwa mezi ku mupolofita.

<sup>73</sup> Yeo ki niti, Linzwi kamita litahanga ku mupolofita wa Hae. Kacwalo halukoni ku Li kulubela kutaha kwa baituti ba za bulapeli. Halukoni ku Li kulubela kutaha kwa likopano. Lina ni kutaha ka nzila ya Mulimu ya Na lu bulelezi ka yona, mi yeo kona nzila inosi fela Mo li tahela. Li ka toiwa, ku ketululwa, ku haniwa. Ha Li taha, Li ka nepelwa kwa neku leliñwi, ni lika kaufela, kono Mulimu uka li eza nihakuli cwalo. Ne li hanilwe

ku Jesu Kreste, Ne li hanilwe ku Joani, Ne li hanilwe ki Jeremia, Ne li hanilwe ki Mushe. Kamita kona ona cwalo. Kono Mulimu u zamaya ona cwalo ka nzila ya Na sepisize kuli Uka zamaya ka yona. Eeni, sha, Yena ha palelwi kueza cwalo ka nzila yeswana.

<sup>74</sup> Muuna ya boni pono kamba ya utwile linzwi la Hae, na si ka Li utwisia mane. Mwa litaba zeñata na sa zibi, kakuli yena ki sibelekiso fela sa Mulimu. Ki mihupulo ya Mulimu ye bulezwi ka milomo ya mutu; ki muhupulo, kakuli, ki linzwi le li bonahalile. Mulimu wa Iketelanga Iliyena ka—ka kuketa kwa Hae ko ku lukisizwe. Na li ezize mwa lusika lufi kaufela, Na tomile mutu wa lusika lufi kaufela. Sina Mushe, hana lukela kutalelezwa sa Na bulelezi ku Abraham. Mushe na pepilwe ali mwana ya kwanile, na si ke kueza sika ka nzila yani. Na pepilwe ona cwalo kakuli na pepezwi mulelo ona woo.

<sup>75</sup> Mi kacwalo lu fumana kuli Mulimu u ezanga cwalo mwa lusika lufi kaufela. Mulimu wa iketelanga Iliyena ka kuketa kwa Hae Tota, uketile bapolofita ba Hae ni lika za lusika lwateni; ulukisa—ulukisa sibupeho sa hae, sibupeho sa mukutalezo wa mutu kwa...fa neku la mpo yabona ni kaufela za eza, ki kukopana ni butata bwa lizazi lateni. Mulimu u bupa muuna yani ni ku mu luma. Mi mwa munahano wa Hae Tota, sina hane Ni kutilize maabani busihu, luna lu peu ya bupilo bwa bo bu zwa ku Mulimu. Na ziba kuli mutu yani ukaba teni mwa lusika lwani, mane ku si kaba kale katowati, kamba liseli, kamba sika kaufela mwa lifasi.

<sup>76</sup> Kakuli u peu ya bondataho, mi no li ku bo ndataho, ibo bo ndataho ne ba sina kutwano ni wena kakuli neba... No liteni kwani, kono no si ka ziba mi ne ba si ka li ziba, kono no bonahalile kuli ukone kuba...kuli ba kone ku ikambota ni wena. Mi wena ka kuba ya pepilwe sinca, u pepilwe ka Bupilo Bobusafeli. Mi wo kona fela mufuta ulimuñwi wa Bupilo Bobusafeli, mi bwani ki Bupilo bwa Mulimu. *Zoe*, linzwi la Sigerike ki *Zoe*, ki mufuta fela ulimuñwi wa Bupilo Bobusafeli.

<sup>77</sup> Mi haiba u mwan'a mushimani wa Mulimu kamba wa musizana wa Mulimu, no li ku Mulimu ka nako kaufela. Kono Na ziba mumbeta ni nako yo no ka calwa mwa mba. Kacwalo he u bupilwe kuba sibupiwa, mwana mushimani wa Mulimu, ya bonahalile mwana mushimani kamba wa musizana wa Mulimu ku to kopana ni kangisano ya hola ye ku to paka Mulimu wa niti mi ya pila wa hola ye, Liñusa le li taha mwa nako ye. Yeo ki niti! No ezizwe kale kwani kusikaba kale mutomo wa lifasi. Kambe ne ku si cwalo...Kambe no si ka ketwa ka nzila yeo, hakuna taba kamba u ka lika cwani ku Li likanyisa, hauna ku kona kueza cwalo. Kana mukona cwani kuzusa mali mwa mupusi kanti hakuna mali mwateñi?

<sup>78</sup> Ki kabakaleo ha Ni lika kubulela ka batu baba nahana kuli lu...lu sweli kuomanya basali ba milili ye mikuswani, mi sicaba

sa ni bulelela ka kubulela lika zeo, "Kuli u ka sinya bulumiwa bwa hao." Kusinya bulumiwa bwa na beile Mulimu Kasibili? Zeo li be kwahule! Mi cwale batu ha ba utwa Linzwi la Mulimu... Haiba mbututu u i twezwi mwa mba ya mahe, selu iliñwi yani ha i keni mwani, selu yeñwi i ka bupiwa fahalimwa yeñwi yani. Ha ki selu iliñwi ya mutu, yetatama ibe ya nja, mi yetatama ibe ya kaze, mi yetatama i be ya sika sisili fela; zeo kwateren, handende, kona mutu sakata. Mi cwale mutu ha pepilwe ka Moya wa Mulimu, ha beyi sika mwa bupilo bwa hae, Ki Linzwi la Mulimu le li si ka zwakiwa le li pakilwe la hola yateñi. Unga Linzwi la Mulimu ka kutala, ha beyangi lituto za litumelo mwateni, hakuna sika sisili ku Lona. Ha li si ka zwakiwa, Linzwi la Mulimu le li bonahalile mwahala luna.

<sup>79</sup> Mutualime mwa Bibele, mwa bona kana, mwa lusika lo lupila ku lona kanti, ha mu bona lika zetuna ze ha li iponahaza. Mi Mulimu ha na sepisize ku li eza, Yena kamita wa liezanga ona cwalo. Kwa mafelelezo a lusika lufi kaufela fo keleke haise i fitile fa sibaka se si pikuluha, mi si zwile kwa Linzwi ku kutela kwa sibi ni mwa buino bwa lifasi... Bulifasi ki sibi. Bibele ibulezi kuli, "Haiba mulata lifasi kamba lika za lifasi, lilato la Mulimu mane haliyo ku mina."

<sup>80</sup> Ne ni ambola maabani busihu, Ne ni bulela ka za—za sitabelo sene si filwe, yena Ngunyana. Ne i lukela kuba mazazi a sebene, kuyemela masika a likeleke zesupa. Nekusina mumela o no sa lukeli ku fumaneha mwahala sicaba, kutowe mumela mwa mazazi a sebene. Seo si talusa kuli hakuna se si kopani ni Sona, Ki mumela, ona cwalo fela. Mi ha lu lati lituto za litumelo, mahobe a umezwi ku zwakana ni luna. Ha lu lati ku zwakanisa zeo ni luna. I lukela kuba Sinkwa se si sina mumela sa Mulimu, lona Linzwi la Mulimu, lona Linzwi le li si ka zwakiwa la Mulimu, ili, "Mutu uka pila ka Linzwi kaufela le li zwelela mwa mulomo wa Mulimu."

<sup>81</sup> Milao ya luna ya likopano, ni ze kushutani ni lika zeñwi, u beile mumela mwahala luna, ni se ni *sani* ni lifasi ni mafasho. Mi, oh, si fitile fa kuli seli Hollywood fela kai ni kai. Mane mafelelezo se litile fa kuli England kwani, pizo ya aletare i ka swabiswa. Mawi! Sina muzwale hana ize, "Mukona cwani kuswala tapi mwa mukolo?" Yani ki niti.

<sup>82</sup> Lu lukela kuba ni Evangelie ye katalizwe ka mutalelela wa Yona, ka mata a Mulimu kupaka zeo kuya ka sepiso ya lusika lwani ni kubonisa kuli yeo ka niti kona tato ya Mulimu. Kwanda Sani wena u membalala fela wa keleke, hakuna taba kamba ulika cwani, ulika kuezeza Mulimu sebelezo. Wakona kuya kwa mukiti wa kutamahana ni kuswalisana, wakona kuba ya sephala hahulu kwa keleke; kono kwanda kuli peu yani ya Bupilo Bobusafeli ne i lukiselizwe ku wena, kuba mwana mushimani kamba musizana wa Mulimu, u ka hula kuba siyanga; kono

usike wa ba wa niti, mwana mushimani kamba wa musizana wa Mulimu wa niti.

<sup>83</sup> Hañata na bulelanga likande nyana laka ka za mbande. Mo mulimi na bezi ni kuhu nako yeñwi, mi nana ni... Ni sepa kuli ha si utwahali kuba kashwau ku mina. Kono mulimi na tomile kuhu, mi yona... ne i sina lii kuli ibubamele. Na kakanya haiba kuna ni mutu mo ya ziba mwa ku lukiseza mai, kamba ki taba yekuma kai. Kono, nihakuli cwalo, na sina neba li liliñwi, mwateni. Kacwalo a yo pamula mwa siyaleto sa mbande, mbande ne i na ni mai amabeli. Mi abeya lii mwatasa kuhu.

<sup>84</sup> Mi mbande yani hane i ndondokezi mwahala likuhu zani kaufela, ne li nyunywani ye sehisa. Na sa utwisisi mulilelo wa kuhu, na si ka bulela sina za hae... sina mwa na batela ku i utwa ha i bulela. Mi ka fata mwa patelo ya sisheste, ni kuca mwa patelo mwatasa sisheste, ne si lico za yona. Neli pato yemaswe mwahala bona. Nasikuku nasweli kufata fata mi ne i sa utwisisi. Ne kaya ka nzila *ye* ni kuca se ni kuca *sani*, na si ka li utwisisa. Kacwalo zazi leliñwi ima wa hae, kamba bo mahe, nitaluse, ku mina. Na... Kwa Mboela lu bulela kuli “Ima.”

<sup>85</sup> Kacwalo, nihakuli cwalo, kona... bo—bo—bo mahe neba ziba kuli ne ba na ni mai amabeli, mi li liliñwi fela la ona nelili kwani, ki ha i yo bata le liñwi lani. Ya potoloha fahalimwa litema lani, mi mafelelezo ya to lula fa sisheste. Ya ka bona fafasi faninga ka latelela nasikuku yani. Ya huwa yali, “Junior! Ha u kuhu wena, u mbande mwai!” Žani za to utwahala fela hande ku kona. Kiñi? Na li mbande ka kukala.

<sup>86</sup> Mi cwale muuna kamba musali ha sa inzi mwatasa lituto za litumelo ni ze bata, za bulapeli bwa sihalihali, haiba u supilwe ku ba mwana mushimani wa Mulimu, mi ubona Linzwi la Mulimu ha li kutazwa ka mata a Lona, mi Mulimu a Li paka, ki mbande ka kukala, u ka matela ku Lona ka niti fela sina tu ni tu ha ipanga fo. Hakuna mukwa wa kuikambusa ka ona, kakuli sibupeho sa teñi luli ki Linzwi la Mulimu. Hanina taba ka sa bulela mutu ufi kaufela, ha bona Linzwi la Mulimu li i ponahaza, ya fufela ku Yona kakuli ne ili fela mbande yeniyinyani.

<sup>87</sup> Sina ha ba bulela cwana, kuli, “Ima, cwale Ni ka kona cwani kufita fahalimu kuzwa faa?”

<sup>88</sup> Mi ki Hali, “Tula fela wena, Ni ka ku swala.”

<sup>89</sup> Yeo kona nto inosi fela yo na ni kueza, ki kutula fela hañwi ka mahutu, kutula fela kulikuñwi ku Mulimu, sepiso iliñwi, “Mulena Jesu, Na Ku lumela ka pilu ya ka kaufela. Na lumela Liñusa la hola. Na Li bona ha li talelezwa, mi Ni ziba kuli Li lukile.” Tula fela ka mahutu, Ima uka ku swala. Usike wa bilaela, wena u mbande, uka to ku swala kuli a ku pamule.

<sup>90</sup> Cwale, lu lemuha kuli lupila mwa nako yende ni nako yende, kono cwale niti ya Bibele ye, balumeli ba boni sani ha si talelezwa, yona ponahazo luli ya Teñi kona bupaki bwa kuli

Mulimu u mwa Teni. Kaniti! Ki fo cwale Linzwi le li sepisizwe, leo Mulimu na sepisize, le li zibahalizwe. Peu ya tubula, mi ba Li bona mi ba Li lumela. Babañwi habakoni fela ku Li bona, fokuñwi baka ina ni ku Li talimela.

<sup>91</sup> Mwa ziba, Ni kutilize katata luli—luli . . . mwahala naha ye, kuli isike ya ba musali wa milili ye mikuswani mwa naha. Kono, nako ifi kaufela, ha Ni ka yo kuta, ku banga zeñata. Ki butata mañi? Kuna ni se si fosahalile! Mwa ziba kuli Linzwi li bulela cwalo! Mu li, “Kihande, seo ha si pangi shutano ni yekana.” Si na ni shutano!

<sup>92</sup> Kuna ni muzwale yomunde, ya naize, “Ni ka ku beya mazoho, Muzwale Branham. Na mi lata. U sweli kusinya bulumiwa bwa mina.” Ali, “Hauna musebezi wa ku bulelela bsalli bani ka zeo.” Ali, “Tuhela kuli balisana ba eze cwalo.”

<sup>93</sup> Se nili, “Ha ba ezangi cwalo mane.” Se nili, “Cwale . . .”

<sup>94</sup> Ki hali, “Kihande, ha ki musebezi wa hao, lapelela fela bakuli.”

<sup>95</sup> Se nili, “Ki musebezi mañi, cwale? Ni bichelizwe kuli ni kutaze Evangeli.”

<sup>96</sup> Ali, “Ni ka ku beya mazoho ni ku kupa Mulimu kuli zeo lizwe ku wena.”

<sup>97</sup> Se nili, “Haiba uka lumeleza kuli—kuli ni ku beye mazoho, ni wena.” Mwabona? Mi se Nili, “Ni ka lapela kuli Mulimu akwalule meeto a hao mi u ka Li bona.” Kacwalo, yeo ki niti!

<sup>98</sup> Ki hali, “U lukela kukutaza . . . Sicaba si ku lumela kuba mutanga, mupolofita wa Mulimu.” Na ize, “U lukela ku luta basali bani mwa ku—ku amuhela limpo zetuna ni kupolofita ni lika zeñwi.”

<sup>99</sup> Se nili, “Kana Ni kona cwani ku ba luta lipalo za alujebura kanti mane ha ba lumeli ni ABC ya bona, pili?” Mwabona? Yeo ki niti. Kacwalo haukon—haukon kueza cwalo. Zeo fela li mwa . . . Yeo ki niti. Haiba haukon kueza lika zeswana, uka eza cwani lika za moyo? Lika za nama. Kiniti! Muzwale, kezel, ikona ku utwahala inge lisheha, kono Ki Evangeli! Ki yona—Ki yona Niti ya Evangeli. Yeo ki niti!

<sup>100</sup> Mulemuhe, lu fumana kacenu kuli sicaba . . . Kuna ni batu babañata baba sa Li lumeli, neba batu babatezi Moya. Ni ka mifa sesiñwi se si ka mi kama. Kolobezo ya Moya o Kenile ha i talusi kuli u ka kena, batili kutockwa, ha ki ka zeo, usike wa ba ni sa kueza ni moyo wa hao. Yeo kona kolobezo, mwabona. Ki wo fa moyo wa mwahali, mwahali *mo*, zeo li na ni kuzwelela ku Mulimu. Kono he kwande una ni maikuto a ketalizoho, ni a ketalizoho fande . . . mwa minyako ya hao . . . iswalisana ni lapa la hao la fa lifasi. Za mwahali, una ni moyo, mi mwahali mwani una ni linzila ze ketalizoho: lizwalo la hao, ni lilato, ni zeñwi cwalo, linzila ze ketalizoho kwa moyo wani. Muhupule, mwa

moya wani wakona ku kolobezwa ka Moya wa niti wa Mulimu mi niteñi u sa latehile. Ki moyo o pila, o no lukisizwe ki Mulimu.

<sup>101</sup> Kana Jesu nasika li, “Babañata baka taha ku Na mwa lizazi lani, mi bakali, ‘Mulena, kana ha Ni sika leleka mioya ye maswe, kueza ze mata, misebezi yemituna, kupolofita, limpo zetuna za Mulimu?’” Ki hali, “‘Muzwe ku Na, mina baezi ba ze maswe, Nali kuba ni mi zibe.’ Babañata ba ka taha mwa lizazi lani.”

<sup>102</sup> Kana Kefasi na si ka polofita? Na li diabulosi. Lu fumana cwana kuli... Mi baprisita bani, baana babatuna bani, ne ba lukela kuba baeteleli babatuna mwa mazazi ani, ka kuishuwa ni lika zeñwi kaufela, kono ba palelwa kubona Linzwi la Mulimu Kasibili ha li iponahaza fapila bona.

<sup>103</sup> Ne lu ka nga fela sikuwata sa zona ze Ni ñozi kulo fa. Kucwani ka Balami? Na li... Mu li, “Mulimu wa cincanga muhupulo wa Hae.” Ha cinci mulelo wa Hae!

<sup>104</sup> Fani Balami ha naile sina mupolofita, mi aya kwani, ali bishopu, mukutazi, kaufela so bata ku mu biza, nali muuna yomutuna. Kono cwale ha na buzize Mulimu ka za kuya kwani ni kukuta Isilaele, na sa ba lati ka kukala, kacwalo ha na kupile kuli azamaye, Mulimu ali, “Usike wa ya!”

<sup>105</sup> Mi se ba luma muika, sikuwata, mwendi ki mambishopu cwalo kamba baokamel, kamba nto yeñwi, cwalo, ali, ni tuto yeñata, ya ku mu hapeleza. Na kutile mi a buza Mulimu hape. Ha u lukeli kubaza Mulimu ka nako ya bubeli! Haiba Mulimu u bulezi lapili, kona Cwalo! Ha mu lukeli kulibelela sika kaufela.

<sup>106</sup> Rebekah na si ka libelela ku utwa mulao wa bubeli. Ne ba mu buzize, bali, “Kana uka ya?”

<sup>107</sup> “Mutuhele abulele.”

<sup>108</sup> Ki hali, “Ni ka ya!” Na susumelizwe hahulu ki Mulimu. A to ba alimuñwi wa basali ba malena mwa Bibele ya na ngile muhato ka kuzamaiswa ki Moya wa Mulimu ono mu zamaisize kuli a amuhele se ne sili niti, mi a lumela ona cwalo.

<sup>109</sup> Cwale lu fumana kuli, Balami, ka niti, na si ka bona. Ki ha ya ku yo talima fa sicaba, ali, “Cwale, fa muzuzu fela! Lu sicaba sesituna, sesituna kwanu, mu sikuwata fela se si hasani.” Mwa bona? “Mi luna kaufela—luna kaufela lu lumela Mulimu ya swana.”

<sup>110</sup> Yeo ki niti. Kaufela bona ba lumela ku Mulimu ya swana. Kaufela bona ba lapela Jehova. Mutalime fa sitabelo sa Balami: tutala to tu sebene, nombolo ya Mulimu ye petehile; likeleke ze sebene, mwabona; litotolo ze sebene, kuambola ka za kutaha kwa Mulena. Ka milao, nali fela ka swanelo mwa milao sina Mushe mwa na bezi; kono, mwa bona, nekusina ponahazo ya Bumulimu. Mwahali mwani, nebali bapolofita hamoho.

<sup>111</sup> Kono mwatasa bulumiwa bwa Mushe, ne ku na ni Siita sa Mulilo sa moyo, ili Liseli lene li lepelela mwa mafulo. Nekuna ni

foliso ya Bumulimu, nekuna ni muhuwo wa Mulena mwa mafulo, lisupo zetuna, foliso ya Bumulimu, ni ze komokisa ni lika ze ne ezahala mwahala bona. Neli sisupo sa Mulimu yapila mwahala sicaba sa Hae.

<sup>112</sup> Ka litaba za makalelo kuya ka swanelo, nebali baba lukile. Mi Balami alika ku hapeleza sicaba, ni kuba kenya mwateri. Lili? Ba si ka fita fela kale mwa naha ya sepiro. Zazi li liliñwi kamba amabeli, ne ba kaba mwa naha ya sepiro.

<sup>113</sup> Kono cwale Na saba . . . Ye ki pulelo yetata kuibulela, leliñwi la mazazi aa Ni ka kunupiwa ka Yona. Kono muhupule se, kuli, likeleke lisweli za zikinyeha ka Katengo ka Swalisano ka, ka sweli ku mi kenya mwateri, ku bulela kuli, "Mina mu sikhata se si swana." Shangwe ha mu sikhata se si swana! Amuzwe mwa lika zeo mi mu kauhane! Kiniti ki cona, Ki niti. Lu lukela kuba kwahule ni lika zeo, mo mu konela kuba kwahule kaufela.

<sup>114</sup> Balami ali, "Luna lu . . . tuhela kuli bana ba luna ba nyalane kakuli, hanili luna kaufela mane lu lumela ku Mulimu ya swana."

<sup>115</sup> "Kana bababeli bakona cwani ku zamaya hamoho ba sa lumelelani?" Kana ukona cwani ku zamaya ni Mulimu kwanda kuli u lumele ka Linzwi la Hae? Kana mukona kuekeza cwani lituto za litumelo ni zeñwi cwalo ku Lona, kanti ha mu si ka supiwa kueza cwalo, kamba, ku laelwa ku sa eza cwalo? Ha ukoni kueza cwalo. Hakuna mukwa wa kueza cwalo ka ona, muzwale, kezeli. Hamukoni ku kopanya mumela wani ni mahobe asina mumela. Oli ni mezi halikoni ku kopana. Lififi ni liseli halikoni ku kopana. Liseli li mata hahulu, li tima fela lififi.

<sup>116</sup> Mi kacwalo halukoni ku li kopanya hamoho. Mane hamukoni nihaiba ku kopanya sibi ni lifasi hamoho. Hamukoni ku kopanya Keleke ni kopano hamoho. Hamukoni ku kopanya Keleke ni lituto za litumelo hamoho. Hamukoni ku kopanya lifasi ni Evangelii hamoho. Halikoni ku kopana! "Amuzwe mwahala bona, mu kauhane," kubulela Mulimu, "Ni ka mi amuhela kuna Kasibili. Mu kaba bana ba Ka ba bashimanii ni basizana, Na ni be Mulimu ku mina." Haluna ku kona ku lieza kufitela litaba ze li bonahale, mi Linzwi la Mulimu la hola li pakilwe kuba la Niti. Mulatelele mwa mihato ya mautu.

<sup>117</sup> Pentekota, kona libaka Luther ha na latehisize liñusa la hae. Kona Wesley mwa na latezi liñusa la hae. Mwabona, kambe keleke ya ba ha Wesleyan ne i ka zwelapili, ne ikaba Mapentekota. Kambe ma Lutheran neba ka zwelapili, neba kaba ba Methodist. Mwabona? Cwale haiba Mapentekota ba zwelapili, ikaba Munyaliwa. Haiba mu ineleta ona cwalo kwa mulaho ni kuzwelapili mwa lifasi inge mo mu zamaela cwale, mu ka lateha! Ikaba fela sikapi, mi lutaka lu ka ciswa. Lwa ziba cwalo. Uka kubukanya Buloto bwa Hae mwa sishete. Haili muuku ni mitose Uka li cisa ka mulilo o sa timi, ni ha ne lili

lishimbelo cwalo. Kaniti ne I lilile. Kono hali Bupilo bwa zwa nako ye li to ba fela litali, za ya ona cwalo kuba sika sisili fela kufitela si bata se si buzwize.

<sup>118</sup> Mi kona ni Keleke mo ika tahela ka Kuluka, Kukeniswa, Kolobezo ya Moya o Kenile (kukutisezwa kwa limpo), ku kenelela fela mwa siswaniso sa Kreste. Kreste ki yena Munyali, Keleke ki Munyaliwa, mi Munyaliwa ki siemba sa Munyali. Ilukela kuba Keleke ya Linzwi, isiñi keleke ya kopano. Ikaba Keleke ya Linzwi, Linzwi le li zibilwe, mi, ni Linzwi la Mulimu le li pakilwe.

<sup>119</sup> Balami, na si ka bona shutano. Babañata habakoni.

<sup>120</sup> Faro na si ka Li bona, ni ha ne Li pakilwe hande fapila hae.

<sup>121</sup> Datani na si ka Li bona. Datani natile kwani, mi abona Mushe mi a ziba. Na zwezi kwande kwani, ali, “Ulika ku nahana kuli ki wena fela unosi mwa sikhwata. Kopano kaufela i kenile!” Mulimu na si ka talimana ni zeo. Na lukela kuziba hande kufita zeo. Mi ki hali, “Kihande, kopano kaufela i kenile. Ulika ku i kutwisia wena . . .” Hane lu ka bulela cwalo kacenu, ka mubulelelo wa mwa mikwakwa, “Licwe fela linosi la butokwa fa likamba.”

<sup>122</sup> Mi Mushe na ziba kuli Mulimu na mu lumile kwani ka zona zani. Na bulezi fela kuli, “Mulena . . .” a wela mwa—mwa munyako wa tabernakele.

<sup>123</sup> Mi Mulimu ali, “Ika mbuse ku yena.” Mi A ba miza kukwahela.

<sup>124</sup> Mi muhupule, sibi sa na ezize Isilaele (ka Balaami naize, “Kaufela bona ba swana.”), sibi sani ne si si si ka swalelwa mwa Isilaele. Mi amutalime, haluboneñi ni mife taba ye komokissa; kuzwa mwahala ma milioni amabeli a zwile mwa Egepita, bababeli ba bona bakena mwa naha ya sepiso. Mañi ni mañi wa bona na cile nto yeswana, kaufela bona ne ba binezi mwa Moya, kaufela bona ne ba na ni lika kaufela ka kuswana; kono cwale ha li taha kwa nako ya ku kauhana, Linzwi kona lene li kauhanya. Kona mo kuinezi ni kacenu! Linzwi ne li ezize tisize kauhano! Hane se ili nako, na ize, “Kiñi, ki luna ba . . .”

<sup>125</sup> Fa kaifi hahulu, mutualime, Bibele ibulezi kuli, “Mwa mazazi a maungulo mioya yemibeli,” Mateu 24:24, “ikaba hahulu fakaifi, ika puma ni bona ba Baketilwe kambe ki nto ye konahala.” Sikapi sani si bonahala fela inge buloto, kono ha ki buloto. Mwabona? Ha ki buloto, kono bu bonahala fela inge bona. Mwabona? Bukaifi hahulu, lika puma ni bona ba Baketilwe. Mu ikongakongile ni kuwela mwa kopano yani, ni kuoma ni kushwa, mi buloto bona bwa zwelapili cwalo mwahala . . . Mwabona? Yeo luli ki niti! Ki sishimbelo, kono isiñi buloto.

<sup>126</sup> Muhupule, buloto bu zwelapili fela kuya. Mwa zuho mata kaufela a buloto ani aka taha mwa buloto, ha bunze buya kwa kuba mukuňu, kuli bu tahe mwa zuho yetuna.

Ne ba si ka swalelw!

<sup>127</sup> Halu yemeñi fo pili fa nako nyana fela. Ni sepa kuli ha Ni mi lyanganisi. Kono, mutualime, mutuhele ni mi buze nto yeñwi. Ha lungeni fela zeo. Lubulele, ka mutala, kuli haiba palo ye i kona kuba hande. Mata a buuna kuzwa ku muuna ni musali ataha, haiba mwa ziba mipila ya kutatubela kamba—kamba za kuzwakanisa ni zeñwi cwalo za likomu, mu ka fumana kuli mata a buuna azwanga ki lipeu zelikana lule lule. Mi ze zwanga ku musali ki mai a likana lule lule. Kono kana mwa ziba kuli kuna ni fela iliñwi ya zona ye nuniswa? Ona tu namani twani, kamba kaufela se tuli sona, mwahala bo lule lule ba lipeu bao, likokwani ze eza milioni, ku kaba fela kokwani iliñwi yani ye ka sebeza mwahala likokwani zeñwi za bupilo zani kuya cwalo ni ku yo fumana lii le lina ni mununo ni kukena ku lona, mi zeñwi za zona za shwa. Kalikañwi fela kona kaka lukiselizwe kwa bupilo, haili totuñwi ha tu si ka lukisezwa cwalo, ni ha tukaba totuswana kaufela. Kalikañwi kuzwa mwahala bo lule lule!

<sup>128</sup> Ku cwani kambe ne kukaba cwalo busihu boo? Kuna ni baba kuma fa faifi handeleti milioni, baba lukela kuba cwalo, Na sepa, Bakreste mwa lifasi, ka mufuta o cwalo, ki palo fela ya kuakaleza. Haiba Kungelwa ku taha busihu boo, mwahala baba pilo babaya, ikona ku ba fela batu ba faifi handeleti. Kihande, kuna ni babañata baba tondahala kwani zazi ni zazi, cwalo, bo ba sa koni kuziba za bona. Munyaliwa uka ngiwa mi lu ka komoka kuli ki sikamañi; mi sicaba si ka zwelapili kukutaza, sili basweli “kuba ni se, ni sani, ni sesiñwi,” mi mutualime bupumi bo bu kaba teni. Kubulela kuli haiba ku kaba cwalo; Ha ni buleli kuli ku cwalo, Ha ni zibi, Ha nina mata a zeo. Mulimu ki yena Muatuli wa zeo. Kono mutualime mo ne li ka ezahalela ka bunolo, mwa lipalo zateni kaufela ni lika zeñwi, mo ne li ka bonisezwa.

<sup>129</sup> Kiñi kanti Kora ha na si ka bona Sani? Kiñi kanti Datani hana si ka bona Sani?

<sup>130</sup> Kiñi kanti Akabe hana si ka Si bona? Fani Akabe... Fani Jehoshafati ha naile ku Akabe, mi ali, “Akabe, lu mwa butata. Kana wa ziba kuli Mulimu na lufile naha ye? Joshua na i abezi sicaba. Mwa ziba siemba sa mubu wo kwanu seo ma Asiria ne ba ngile, kana sani ha ki sona sibaka sa luna sani?”

“Eeni!”

<sup>131</sup> “Bana ba luna ba lapile, mi ma Siria (sila sa luna) basweli kufepa bana ba bona, kutaza limba zabona ka buloto bo bu lukela kuba bwa luna.” Yeo ki niti ka mañolo. Ali, “Kikuli uka ni tusa ku ya kwani ni yo ikungela zeo?”

<sup>132</sup> Cwale, linako zeñwi muuna yomunde mwatasa susumezo ya bumaswe uka ñala. Kihande mutualime, keleke, mutualime hande ka tokomelo.

<sup>133</sup> Cwale, taba yapili mwa ziba, Jehoshafati, ka kuba muuna yomutuna wa bulapeli, ki hali, “Kihande, lu lukela ku kambama, luli, makoloi a luna, kaufela luna lu batu baba swana.” Kono ne si sicaba se si swana! Batili! Na ize, “Kihande, likoloi zaluna ki makoloi a hao, sicaba sa hesu ki sicaba sa hao. Luli, lu ka ya.” Ki hali, “Kono ha lu buzeñi Mulena pili.”

<sup>134</sup> Kacwalo ki hali, “Oh . . .” (Akabe) “ . . . kihande, hakuna kukakanya, ne lu swanelu kunahana cwalo. Kihande, luka . . .”

<sup>135</sup> “Kana kuna ni mupolofita wa Mulena?”

<sup>136</sup> Ali, “Ni na ni sikolo sa bulapeli se sitezi fela bona. Nina ni baba mianda yemine kwanu, bona babande baba liteni. Kaufela bona bana ni ma Ph.D., L.L.D., ma L.D. amabeli abona, ni lika zeñwi kaufela ze zamaeleta ni zona. Kaufela bona ki bao . . .” Cwale muhupule, nebali bapolofita ba *Maheberu*, kuzwa kwa sikolo sa bapolofita.

<sup>137</sup> Ali, “Amu ba tise, lu ba utwe.”

<sup>138</sup> Mi Ni lumela kuli neli Zedekia, yena toho yetuna ya (bishopu), bona kaufela, ataha kwani, mi nana ni susumezo. Nana ni susumezo, kaniti. Ataha kwani, mi aipangela manaka amabeli amatuna a sipi. Ki hali, “Mwa ziba, SA BULELA MULENA KISONA, ‘U ka nga manaka a ni ku kasha ma Asiria kuzwa mwa naha.”

<sup>139</sup> Kihande, kaufela babañwi ba bona ne ba polofita, “Yeo luli kona niti!” Mañi ni mañi wa bona, mukopano kaufela wa za bulapeli, mwa tumelelano. Mwabona?

<sup>140</sup> Akabe ali, “Wa bona?”

<sup>141</sup> Jehoshafati, ka kuba wa moyo cwalo, mwa ziba, na si ka omelela kaufela, mi ali, “Kono kikuli hakuna nihaiba alimuñwi fela kokuñwi, yo lukona kubuza?”

<sup>142</sup> “Ki sikamañi so bata kubuza babañwi, kanti ba Swalisano kaufela (katengo kaufela), ba bulela kuli ‘Ku lukile?’” (Muni swalele, mwabona.) “Taba yateni kaufela ili, ‘Sani kona se lu lukela kueza.’” Mwabona? “Seo kona se lu lukela kueza.”

<sup>143</sup> Ki hali, “Kono kana hakuna nihaiba alimuñwi fela kokuñwi?” Yena ya ipitezi yani, mwa ziba.

<sup>144</sup> Ki hali, “Eeni, uteni. Kuna ni alimuñwi, Mikaya mwana Imila, kono Ni mu toile.” Kamita ka nzila yeo. “Ni mu toile kakuli yena kamita u omanyanga fela batu baluna, ni ku ni lwaha, ni ku ni bulelela ze maswe kaufela ka na. Ni mu toile muuna yani!”

<sup>145</sup> Ali, “Ah, usike mulena asike a bulela cwalo.” Ali, “Zamaya u yo munga.”

<sup>146</sup> Kacwalo ba ya kwani ku mwana mushimani wa Imila, babañwi ba—ba mabishopu, kamba, babañwi ba mwahala bahulu, mi aya kwani, ali, “Cwale, teezeza, kikuli ubata ku kutela mwa kopano hape? U bulele lika ze swana ze ba bulela, ba ka ku kutisa.”

<sup>147</sup> Kono kwa ezahala kuli Mulimu nana ni muuna yene ba si ka beya mazoho ku yena; Mulimu na beile mazoho a Hae ku yena. Na li siponi sa Niti ya Mulimu. Ali, “Luli,” ali, “Ni ka shetumuka, kono Ni ka bulela fela seo Mulimu aka beya mwa mulomo waka.” Ki yoo muuna wa Mulimu. Ki hali, “Ni fe busihu boo.” Kacwalo busihu bwa taha, mi Mulena a ambola ni mupolofita, mutu yo munyinyani fela. Mi taba yapili mwa ziba, ki ha taha kakusasana lelitatama.

Ali, “Kucwani ka zeo, Imila?”

<sup>148</sup> Ki hali, “Zamaya u kambame,” ali, “kono Ni boni Isilaele ahasanina sina lingua fa lilundu, kusina mulisana.”

<sup>149</sup> Ki hali, “Ki sikamañi se ne Ni ku bulelezi! Ki sikamañi sene Ni ku bulelezi ka zeo!” Mi ki hali . . .

<sup>150</sup> Mi bishopu yomutuna ataha ku to mu bakula fa mulomo, ali, “Ki nzila ifi yeo Moya wa Mulimu noile? Kakuli Ni ziba kuli Ni nani Moya; Ni binezi ku Ona, Ni ezize lika ze kaufela. Mwabona, Ni—Ni bile ni Moya kuna. Ki nzila ifi ye U ile ka yona?”

<sup>151</sup> Cwale, mwabona, Imila ka kuba mwana Mulimu, kamba mupolofita wa niti wa Mulimu, na tatubile pono ya hae ka Linzwi. Kambe ne si Linzwi, ku fosahalile. Mwabona? Linzwi la hola yani, mwabona. Cwale, na bulezi ka mañolo, naha yani neli ya bona, luli naha neli ya bona. Kuya ka mañolo, lika kaufela ne libonahala kuba hande kwanda nto iliñwi.

<sup>152</sup> Muhupule, neli Linzwi li liliñwi lene li tisize butata kaufela kutaha, Eva na sika lumela Linzwi la Mulimu li liliñwi; kwa makalelo a Bibele, Linzwi li liliñwi kona le li tisize butata. Jesu, natile mwahala Bibele, ni kubulela kuli, “Mutu uka pila ka Linzwi kaufela le li zwelela mwa mulomo wa Mulimu.” Kwa mafelelezo a Bibele, iize, “Yo kaufela ya ka zwisa Linzwi li liliñwi kamba kuekeza linzwi ku Lona.”

<sup>153</sup> Ha ki siemba sa Evangelio . . . Ba Methodist bana ni siemba, ba Baptist, ba Presbyterian, ni babañwi cwalo, bana ni siemba sa Lona, Katolika bana ni siemba sa Lona, Lipaki za Jehova, kaufela bona.

<sup>154</sup> Kono ki Linzwi ka kutala, Linzwi kaufela, Linzwi la hola, kona la butokwa. Mi haluna kueza sani konji Mulimu atoza mupolofita yakona kuyema ni ku Si bulelela, ni ku Li paka, ni ku Li bonahalisa kuli Li lukile. Li ka zamaya mwahala sicaba, habana ku Li ziba, inge fela mo libezi kamita.

<sup>155</sup> Mina ba Katolika, sina Joan wa Arc, ne mu mu cisize fa musumo kuti ki muloi; kasamulaho mu katile mibili ya baprista

yani, lilimo ze mianda yemibeli kasamulaho, ni ku i nepela mwa nuka. Ne mu sa zibi Muhalalehi Patrick ni babañwi ba bona.

<sup>156</sup> Li ka ya mi bolomoka mwa mazoho hape, taba yapili mwa ziba. Mulimu uka li eza, mi mane hamuna kuziba kuli li ezahalile. Mwabona, Yena nasweli fela ku zamaya cwalo ni kunga Munyaliwa wa Hae ni ku Mu lwala ku pahama ni yena cwalo, ni ku Mu ngela aikela, ona mwahala sicaba cwalo.

<sup>157</sup> Lu fumana kuli, yena Mikaya yomunyinyani yo naize na tatubile, na ziba kuli Mulimu na bulezi, ka mupolofita wa niti fapila hae. Mupolofita yanaliteni pili ku yena, ki sikamañi sa na bulezi? Na bulezi cwana, na ize, “Akabe, kakuli u suluzi baba lukile, kamba mali a ya lukile Nabote, linja li ka kapa mali a hao ni wena, ni Jezabele.” Mi ona cwalo fela, kona mo ne li to ezahalela kakuli Mulimu na li bulezi. Kana mupolofita yani na ka polofita cwani hande kanti ne ku na ni ze maswe kayena?

<sup>158</sup> Kana Ni kona cwani kubulelela Lusika lwa Keleke ya Laodesia lo lika zende kanti Mulimu na bulezi kale ze maswe ka lona? U mapunu, u mwelwa! U li, “Ni fumile, Ni i ketile... Ni na ni likeleke sina za Methodist, ni ba Baptist, ni za ba Presbyterian. Ni nani *se*, Ni nani *sani*; *se* sinde luli, *sani*, ni *sesiñwi*.” Yeo ki niti, kono ha u zibi kuli uinzi mapunu, u sibofu, u mwelwa, kwa sika sa niti seo Mulimu asweli ku bonahaza. Si ka kufita mwahali, ona *cwalo*, inge si zwela kwande. Mwabona? Mulumele, sicaba, nako i sika fela kale.

<sup>159</sup> Cwale, lu fumana kuli na mu bakuzi fa mulomo, mi ali, “Ki nzila ifi yeo Moya wa Mulimu...?”

<sup>160</sup> Mikaya ali, “Ni boni Mulimu a inzi fa Lubona. Mi kaufela... Abiza lindumeleti za Lihalimu, ali, ‘Ki mañi ye luka luma kuli ayo puma Akabe?’” Ali, “Mi moya ulimuñwi wa buhata wa taha mi wa to wa fapila Mulimu; ki lihata.” Mi muhupule, moya o puma wani no keni mwa bapolofita bani, ne ba lukela kuziba kuli moya o noli fahalimwa bona no si ka kuya ka Linzwi. Kono neba ngilwe hahulu kakuli nebali bapolofita ba mulena, kakuli ne vba na ni lika kaufela hande.

<sup>161</sup> Mi sani kona se i ezize keleke kacenu. Mu bile kwahule ni mufuta wa kutwisiso yani myaha yefitile kwa mulaho kafoo ha ne mu yemi fa manganandila a mukwakwa ni ku kutaza Evangeli.

Muzwile mwa likopano zani mi mu ipiza kuli “ki sicaba se si lukuluhile” (Yela!) kakuli mu swasehile ku zona hape, sina kulube kwa sileze sa yona kamba njá kwa mataza a yona. Haiba ne li mu tazisa ka nako yapili, li ka mu tazisa hape. Yeo ki niti! Mulimu u ku kwa mwa mulomo wa Hae, Na ize, “U enya fela, ha u cisi kamba kubata”; mu ba ni mikopano yelikani, kipeto mwa liza lipina nyana, mi—mi ni kuopela hanyinyani, kanti, ki niti luli... zeo seli bile maswabisa kwa Bukreste.

<sup>162</sup> Mwana ka wa mushimani na ni bizize zazi leliñwi kuli ni talime fa mazimumwangala, nasepa ne li sikhata sa baopeli cwalo ko ne kulukela kutaha sicaba. Sikhata nyana sani sa Maricky inge bayemi fani, inge ba nyungana inge rock-ni-roll, ni kuopela lipina zani, ki maswabisa ku Jesu Kreste! Hakusana busepahali mwa keleke ni hanyinyani. Ku bonahala inge kuli likaba kaufela se li bile za rock-ni-roll nto yeñwi, ni ponahazo ya maswaniso, mwa sibaka sa Keleke ya Mulimu yiplina koo Jesu Kreste akona kuiponahaza Iliyena mwa mata. Ku bonahala ku na, kuna ni se si fosahalile kokuñwi. Li sweli ku bolomoka. Mi Bibebe ibulezi kuli li ka ba ona cwalo. Mwabona? Mutualime fo muinzi. Mu tokomele, mu zuhe nako isika fela kale.

<sup>163</sup> Cwale lu fumana kuli, Na ize, “Ki mañi ye lu ka luma kuli ayo puma Akabe, ku muisa kwani ku yo taleleza manzwi a mupolofita?” Mwabona, haiba mupolofita na bulezi Linzwi, lihalimu ni lifasi li ka fela kono lona ha Li koni ku palelwa. Lina ni ku ezahala. Kacwalo sani kona, ne sina ni kunga sibaka.

<sup>164</sup> Ki hali, “Mubeye muuna yo mwa tolongo ya mwahali, mu mufepé ka buhobe bwa manyando ni mezi a manyando. Ha Ni ta yo kuta ka kozo, Ni ka to mu lukisa.”

<sup>165</sup> Mikaya a yema fani ka kutiya, inza ziba kuli nana ni Moya wa Mulimu. Bupolofita bwa hae, lipono za hae ne li lukile. Liñusa la Hae ne li lukile, kakuli Neli kuli SA BULELA MULENA KISONA kuzwa mwa pono, SA BULELA MULENA KISONA kuzwa mwa Linzwi. Ne si na ni kuba niti, kakuli seli kuli SA BULELA MULENA KISONA. Ki hali, “Haiba u ka yo kuta ni hanyinyani, Mulimu a si ka bulela ku na.” Mi mwa ziba ze ne ezahalile, luli. Mwabona, mina . . .

<sup>166</sup> Utwisisa, muzwale. Teeleza.

<sup>167</sup> Luli, Kefasi, na si ka Li bona. Kiñi ha na si ka talimafafasi . . . ? Na li mu—na li bishopu, na li pope wa likeleke kaufela hamoho. Kiñi mutu yani ha na si ka bona Jesu inza yemi fani? Kiñi ha na si ka utwisisa? Ha ne basweli kuopela Lisamu 23, Lisamu 22, nitaluse, mwa keleke, mi, “Mulimu wa Ka, Mulimu wa Ka, kiñi ha U Ni tuhelezi?” mi ki Yani fani fa sifapahano. Ona Mañolo a swana, yena Mulimu luli yene ba lapela, ne ba Mu nyaza ni ku Mu bulaya kuli neli “mufitelezi wa tumelo.” Ki zeo foo.

<sup>168</sup> Ne li ka mi komokisa hane Ni ka mi bulelala fela kuli zeo li ka kutela hape. Bibebe ibulezi kuli Nali kwande inza lika ku ngongota kukena mwahali, mi hakuna mutu ya na Mu lumeleza kukena, “Yena ye Ni lata Na shapa ni ku kalimela, Na mu omanya, Na mu nyunga, kono kakuli Na mu lata. Kwalula mi Ni kene.” Eehe. Ne ni sike . . . “Muhupule, Ne ni sa lati kukena mwa keleke; ki yena, ki mutu anosi.” Na si ka kena mwa keleke, ne ba Mu kiydzi fande. Fela kopa- . . . kopano fela ya bona, ki lona lusika lwa keleke ye, loo Nali fande a keleke. Ku

lelekiwa! Kuhaniwa! Kuhaniwa! Kakuli... Na bonahalile fela ka swalelele mwa likeleke zeñwi, mwa mufuta wa kuluka, ni zeñwi cwalo; kono mwahali mo, lusika lo lu taha cwale, kona ponahazo yetezi ya ponahazo ya Jesu Kreste ya swana maabani, kacenu, ni kuyakuile. Oh, Ni ka lumela kuli luna ni balikanyisi babañata, kono lu tatube za pili, za makalelo.

<sup>169</sup> Mushe aya ni milao ya Mulimu, ku yo lamulela Isilaele; mi ha na ezize cwalo, a eza limakazo zeñwi. Balikanyisi ne ba mu latelezi. Kambe nebali ba pili, yena na kaba mulikanyisi. Mwabona, nana ni Linzwi la Mulena, mi Mulena na pakilwe; na inzi fela inza kuzize.

<sup>170</sup> Mi, mwa ziba, kuli yona taba yeswana yani i sepisizwe mwa mazazi a maungulo? "Sina Jambresi ni Janise hane ba Iwanisa Mushe, kona mo ba ka ezeza ni baana ba ngana ye keluhile kwa Niti." Mi cwale katengo ha ka beya...ha ka isa mutu mwa katengo kani, ne li bonisa kuli ne li sa zwi ku Mulimu; kakuli, Mulimu ki yena ya eza lika zeo kuli li a ebelise mihupulo ya sicaba, mi kipeto Liñusa la li latelela. Haiba ha ku cwalo, konakuli ha ki Mulimu. Ha ki Mulimu! Mulimu kamita u ezanga cwalo.

<sup>171</sup> Judasi na si ka Li utwisisa. Na zamaile hamoho ni Yena, na si ka Li bona.

<sup>172</sup> Kono za niti, ze lukisizwe ki Mulimu, yona peu ya niti yani, yona peu ya niti yani, moyo wa Mulimu o noli ku Mulimu kusikaba kale mutomo wa lifasi; muhupule, mina mu na ni Moya wa Mulimu ku mina busihu boo, noli kwanu ku Kreste kakuli Nali yena mutalelela wa Linzwi. Nali yena mutalelela wa toho ya Bumulimu ka mibili. Mulimu nali ku Kreste, inza kutisana lipilu ni lifasi ku Yena. Kana mwa lumela cwalo? Mutualime, Nali ku Kreste. Mi haiba no li ku Mulimu, peu ya bupilo, linzwi, mulelo kuzwa kwa simuluho, mi wa zamaya ni Yena fa lifasi fa, no bulezi ni Yena fa lifasi, wa nyanda ni Yena fa lifasi, no shwile ni Yena fa Kalvari, mi wa zuha ni Yena hape; mi cwale muinzi mwa libaka za Mahalimu ku Kreste Jesu, mwa ikambota ni Yena (yena Linzwi) ha Li nze li kufepa mwa moyo wa hao, kuli, "Mutu uka pila ka Linzwi kaufela le li zwelela."

<sup>173</sup> Isiñi linzwi la Methodist, linzwi la Baptist; muhupule, haiba nekuna ni ze ne siyezi fa sitabelo, li na ni ku cisiwa kakusasana, kakuli kamuso ki lusika lwa keleke isili. Ki niti yeo? Exoda, Ki niti. Ki sisupo, mufuta wa Sitabelo.

<sup>174</sup> Sikwalo. Ali, "Ni ka panga sibaka silisiñwi. Musike... Hamuna ku Ni lapela mwa munyako ufi kaufela o Ni mi file; kono kuna ni Munyako ulimñwi, mi mwa Munyako wani ki mo Ni ka beya Libizo la Ka." Mi koo Mulena aka beya Libizo la Hae, sani kona sibaka seo Mulimu aka amuhela sitabelo sa hao. Lu ezize mifuta ya minyako kaufela, kono Mulimu na ezize Sikwalo.

Mulimu u ezize Munyako, mi Munyako wani neli... Muñoli Joani kauhanyo yabu 10, Jesu naize, "Kina Munyako wani."

<sup>175</sup> Mulimu na beile Libizo la Hae ku Jesu. Kana mwa lumela cwalo? Nali Mwana Mulimu. Mwana kaufela utahanga ka libizo la ndatahe. Ki hali, "Ni tile ka Libizo la Ndate, ha mu Ni amuheli." Ni tile ka libizo la ndate, u tahile ka libizo la ndataho ni wena. Jesu natile ka Libizo la Ndata He, kacwalo Libizo la Ndata He ki Jesu; luli, kakuli Na tile ka Libizo la Ndat He.

<sup>176</sup> "Mi ha mu Ni amuheli. Usili ha ka taha, mi yena yo mu ka mu amuhela." Mu ka nga likopano za mina ni kuzwelapili ni zona ona cwalo. Muzwelepili ona cwalo, bibebe ibulela kuli, "Ne ba pepezwi ku taleleza sibaka seo. Libofu, mapunu, mi ha ba zibi." Keleke, bulapeli, oh, ki bulapeli luli, kuswana fela sina Kaine mwa na inezi; ku ba ni sitabelo, kueza lika kaufela ka kuswana fela sina Abele mwa na ezelize. Kono ka sinulo ne li patuluzwi ku yena sa na li sona moyo, isiñi miselo ya mwa simu ni sesiñwi so eza ka lizoho la hao.

<sup>177</sup> Mulumeli wa kona kubona Linzwi ha li ezwa nama; ba bañwi habakoni kueza cwalo.

<sup>178</sup> Ma Isilaele bani kaufela, bamano bona Mushe a eza cwalo ni kubatisa kwa katengo kakatuna, ko ne li lukela kubela, mañi ni mañi wabona naize, "Lu ka ya ni Balami, kakuli lu nahana kuli Dr. Balami u bulela niti. U talifile, u itutile hahulu, lika kaufela, kacwalo lu ka linga fela."

<sup>179</sup> Mi Mulimu na si ka ba swalela, Na ba yundisize ona mwa lihalaupa mwani. Mi Jesu ali, yena Kasibili, "Habana kutaha, hakuna ni yomukana wa bona ya na pilisizwe." Jesu naize...

<sup>180</sup> Se bali, "Bo kuku aluna ba cile manna mwa lihalaupa ka myaha ye mashumi amane."

<sup>181</sup> Ki hali, "Kaufela bona ba shwile, Kuyakuile ba kauhani ni Mulimu. Kaufela bona ba shwile." Kiniti! Kakuli ne ba teeelize kwa mafosisa. Mi Mushe, ya pakilwe ki Mulimu, ni mueteleli ya na ba bonisa nzila ye liba kwa nahana ya sepiro, mi ne ba tile ka kuluka kufita fa, kono he ba palelwa kukena mwahali ni yena.

<sup>182</sup> Cwale, balumeli bakona ku Li bona, kono ba ba sa lumeli ha ba koni kubona Seo ha si pakiwa.

<sup>183</sup> Mutualime Kefasi mwa na bezi wa bulapeli hahulu. Mutualime baprisita bani mo ne ba bezi ba bulapeli. Mi Jesu a sikuluha, ali, "Mu zwa ku ndata mina diabulosi, mi mu ka eza misebezi ya hae."

<sup>184</sup> Kono nekuna ni balumeli babanyinyani bene bainzi kwani. Kikuli mu nahana kuli balutiwa ne ba ka utwisisa fani Jesu ha na bulezi kuli, "Na ni Ndate lu nto iliñwi"? Ne ba si ka Li tatulula. Ha Na bulezi kuli, "Ha mu sa ci nama ya Mwana mutu, kunwa Mali a Hae, hamuna Bupilo ku mina," kana ne ba ka Li

tatulula? Batili. Kono ne ba Li lumela, kakuli ne ba boni Mulimu ha pakiwa ni kueziwa mwa nama.

<sup>185</sup> Jesu naize, “Ha Ni sa ezi misebezi Ya Ndate, konakuli musike mwa Ni lumela. Kono haiba Ni eza misebezi Ya Ndate, Linzwi le li bulezwi kale kuli Ni eze, konakuli mina... Haiba hamukoni ku Ni lumela, mulumele misebezi ye Ni eza, kuli mukone kupiliswa.” Mwabona? Jesu naize, “Lingu za Ka liziba Linzwi la Ka. Li ziba Linzwi la Ka, za Li bona ha Li pakiwa ka lusika lwateni.”

<sup>186</sup> “Kihande, Kefasi na ziba Linzwi ni yena!” Kono isiñi Linzwi la lusika *lwani*. Nana ni linzwi la sene ba na tisize Bafarisi ku yena, kono isiñi Linzwi le li pakilwe la hola.

<sup>187</sup> “Li ziba Linzwi la Ka, li ziba sisupo sa Ka, li ziba muzamaelo wa Ka.” Cwale, kwa...

<sup>188</sup> Oh, ha lu kuteleñi kwa palo ya luna, kakuli lu ka latehelwa fela ki Mañolo amañata haiba lu sa ezi cwalo, kakuli Ni lukela kukwala ka mizuzu yelikani fela nihakuli cwalo, kakuli ikaba teni kiloko mwa mizuzu yelikani. Na Mu lata.

<sup>189</sup> Balikani, mina sicaba bene ba keni mwahala lipula zeo ni kubeya linubu zeo mwateni fa nako nyana; sicaba se si fepile banake, ku ba fa liapalo; sicaba se si beile masheleñi (o mu ipumanezi) mwa mukeke wa koleke, mwa ziba zeo ko liya kana? Zeo za ni tusanga kwa buse bwa mawate kuya kwa bahedeni ba ba si ka utwa kale sika kaufela ka Mulimu. Sani kona se Ni eza ka sona, pene kaufela, Mulimu ki Muatuli waka. Ki ze zeñwi za ka... muuna yaliteni mo cwale yali mwa—mwa katengo ka sikwama mwa keleke yaka. Ni amuhelanga ma dollar a mwanda fa sunda, mi kipeto kufelile; amañwi a ona a tusa kwa mikopano ya mwabuse bwa mawate ba ba sa koni kutaha.

<sup>190</sup> Likeleke halina kuba ni na. Ha li ni lati. Batili. Yeo ki niti! Ba ni biza cwale kuli: “Ki...” Ba li, “Ki ‘Jesu Feela,’ kamba nto yeñwi ye cwalo, kamba nto yeñwi ye nyemisa, ya tumelo yefitelezi, ni zeñwi kaufela ze cwalo, ki—ki Jezabele.” Mi Ni—Ni bata zeo, ne ba bizize Mulena ka kuli, “Jezabele,” mi ba Mu biza... isiñi Jezabele, kono neli “Baalezbubi.” Ne ba Mu biza ka mabizo a maswe ani kaufela. “Haiba ne ba bizize Muña ndu kuli, ‘Baalezbubi,’ kana ba ka ba biza balutiwa ba Hae sikamañi?” Kacwalo seo ha si ezi shutano ni yekana.

<sup>191</sup> Mi wena kasibili, ka tuso ya Mulimu, u nahana kuli Ni ka yema fa, nili muipi yomutuna, ni ku mi bulelela nto yeñwi...? Kamba, kikuli ne Ni si ke na wela mwa sikuka ni taba yateni kambe Ne ni nahana kuli i zwa ku Mulimu?

<sup>192</sup> Kono haiba Ni mi lata ni kuziba Niti... Kana mukile mwa ni utwa ni bulela sika ka Libizo la Mulena kono kwanda se si ezahalile? Batili. Na buza mutu ufi kaufela. Litaba ze likiti kitii ze bulezwi, kaufela zona li ezahalile. Mwa hupula nako yani fani Samuele hana bizizwe, Na lumela neli yena, mi ki hali...?

Isilaele na bata kuikeza ili yena sina linaha zeñwi. Zeo kona ze mu taha kuzona mina Mapentekota. Mu bata kueza sina batu babañwi kaufela. Mina ha mu batu ba mifuta ye cwalo. Mube kwahule ni zona. Likeleke zetuna ni lika zende, O muzwale, u sike wa eza cwalo. Lu kutaza kuli kutaha kwa Mulena ku fakaufi, ha lu fiteñi mwa libaka zani ni kuzibisa bahedeni bani. Mwabona, mueze sika ka sona.

<sup>193</sup> Kono, mwa bona, Samuele naize, “Kana Ni kile na nga nihaiba nako iliñwi ku zwisa masheleñi a mina ku mina kuli ni pilete fateni?”

<sup>194</sup> Se bali, “Batili, Samuele, ha u si ka eza cwalo fateni.”

<sup>195</sup> Ali, “Kana Ni kile na mi bulelela sika ka Libizo la Mulena kono kwanda se si ezahalile?”

<sup>196</sup> “Oh, yeo ki niti, Samuele. Lu lumela kuli u mupolofita ya lumilwe ki Mulimu. Eeni, sha. Liki kaufela zo bulezi li ti lo ezahala, Samuele. Kono lwa mu bata nihakuli cwalo.” Mwa bona sene si ezahalile. O muzwale, Mañolo azwelapili fela ku kutakela ni lika zeñwi mwahala Mañolo, kakuli ki nzila ya Mulimu ya kueza lika ka yona, mwa bona. Mwa bona, mu fitile fa linako ze cwana.

<sup>197</sup> Ha lu fiteñi fa tuto yaluna kapili. Cwale, Ni bile nako ye kaufela, mi mane ha Ni si ka fita kale fa tuto yaka.

<sup>198</sup> Li fa pilu yaka! Na mi lata! Musike mwa shwa ni lifasi! Haiba u ba lifasi, u ka shwa ni lifasi. Haiba u ba Mulimu, u ka ya ni Yena mwa zuho. Kacwalo aku cince sibupeho sa hao busihu boo kuzwa kwa lilato la lifasi ni lika za lifasi, ni lituto za litumelo ze kaufela ni lika zeñwi, ni kutalima kulibana ni Kalvari kwa Sitabelo sa hao; u Mu katanyeze fa mayemo ao, kakuli seo kona fela sibaka sinosi ko Aka ku katanyeza. Yena . . .

<sup>199</sup> Ba Methodist bali, “Ki mwa keleke yaluna”; ba Baptist bali, ni ba Pentekota, ni se, ni ba Presbyterian, ni se.

<sup>200</sup> Kono Yena naize, “Ni ka kopana ni bona mwa sibaka sesiñwi, Sibaka se Ni beile Libizo la Ka.” Seo ki ku Jesu Kreste. Mwani kona moo Mulimu na beile Libizo la Hae. Sani kona fela Sibaka sinosi ko Aka ku katanyeza; mi ki Kreste, ki yena Linzwi, yena ya swana maabani . . . Si hulile kuzwa kwa mahutu, fa malupi. Mi cwale se li kwa toho, si fakaufi ni kuya; kubonahazaza mwa mutalelela kaufela wa Munyaliwa, ka kuswana fela sina Munyali.

<sup>201</sup> Cwale ha lu yeñi kwa palo yaluna, kapili fela, ka mizuzu yelishumi fela, mi kona lu ka kwala. Cwale tuto yaluna, kaufela lu ka tabela ku italima. Ne ku ezahalile hape, sina palo yaluna, sina mo libezi kamita.

<sup>202</sup> Mulimu na lumile mupolofita wa Hae sina mwa Na . . . Linzwi li sepisizwe ka Malaki 3, “Mulumiwa Ni ka mu luma fapila Ka,” ku etelela kutaha kwa Hae.

<sup>203</sup> Cwale haiba mubata ku paka seo, ka ku si paka, Mateu, kauhanyo ya 11, i paka ze swana. Mi balutiwa ba Joani ha ba taha mi ba bona Jesu, se bali, “Joani u mwa tolongo.” Ali, “Lutile ku ti lo Ku buza haiba uka . . .”

<sup>204</sup> Liito la Joani ne li fubezi kubonela fahule. Mi nali mwa tolongo, na libelela kushwa; ali, “Amuye mu yo Mu buza.”

<sup>205</sup> Mwabona, Joani ali, “Oh, liselo la Hae limwa lizoho la Hae, Uka fiyela sihoto sa Hae ku feleleza.” Na hupula kuli Mileniamu ika kalisa ona fani, a hupula kuli peu ne i lukile. Kono neina ni kushwa ni kukena mwa lutaka, kutaha hape ku to bupa Munyaliwa wa niti. Kacwalo ki hali, “Uka kubukanya buloto bwa Hae mwa sisheste, mi Uka bu cisa, mulilo.” Mutualime mutwaleti wa-wa Kreste yani mwa lusika *lwani*, sa na bulezi kuli si ka ezahala. “Bubeke . . .”

<sup>206</sup> Mi Ni sepa kuli ha mu si ka lobala. Peu iteni mo! Ika kubukanyezwa mwa sisheste. Neli Munyaliwa yani, siemba sa lona sani. Kono ki sikamañi sa Na bulezi kuli si ka ezahala kwa lutaka? Li ka cisiwa ka mulilo o sa timi. Mubate puluso cwale hamukona. Mu be bubeke, isiñi lutaka. Mwabona? Kena mwa Bupilo, isiñi mwa mufuta wa kale o shwile; kena mwa Bupilo bwa Kreste, lona Linzwi le li bonahalile, ze . . . bonahalile ni kupakiwa cwalo. Ye ki—ye ki nako ya ku kopana, mukutuli wa taha. Kihande mukene mwa bubeke, kakuli sikapi si ka siyala mwa mulaho.

<sup>207</sup> Cwale, lu fumana kuli ne ku ezahalile, Jesu . . . Ka kufeza manzwi aka fa, Mateu 11. Yena u- . . . na si ka fa Joani . . . Na ize, “Cwale, mulibelele, Ni ka fa Joani buka mwa ku ikutekela yeli, *Mulumeli Mwa Tolongo*.” Batili! Na ize, “Amuyeme mi mubone se si ka ezahala. A mu kute mi mubonise Joani se si ezahala: lihole za zamaya, libofu za bona, bafu ba zuha, mi Evangelii ya kutazwa kwa babotana.” Ona cwalo fela mwana bulelezi mupolofita kuli lika ezahala. “Mi una ni mbuyoti ya sa sitatali ku Na.”

<sup>208</sup> Mi balutiwa ba hae ba kala ku pahama lilundu, Ki ha sikuluha, ali, “Ki sikamañi se muilo bona hane mu ilo bona Joani? Kikuli muilo bona muuna ya apala liapalo ze bulizi bo bu bunolo, ni zeñwi cwalo, ba makola a futukile, ni ze kaufela, mwa ziba?” Ali, “Ba ina mwa mileneñi ya malena, ba tubetanga limbututu ni kupumbeka bafu, ha zibi mwa ku swalela mukwale o lozizwe kafa ni kafa.” Mwabona? Ali, “Ki sikamañi se muilo bona? Ki—ki lutaka lo lu zukuzwa ki moyo kaufela nji?” (“Taha kwanu, John, Ni ka kufa masheleñi amañata haiba utaha kwanu.”) “Kihande, kufuyolwe Mulimu, Ha ni wa Methodist ni kamuta, Ni kaba wa Pentekota, Ni kaba wa Presbyterian, Ni kaba *se, sesiñwi*, haibile fela kuna ni masheleñi amañata.”) Ali, “Ha mu si ka yo bona lutaka lo lu zukuzwa ki moyo.” Ali, “Ki

sikamañi se mu ilo bona kwani, ki mupolofita nji?" Ki hali, "Eeni, mane ufita mupolofita."

<sup>209</sup> Joani na bulezi manzwi a nyanyifaza Jesu mwa na konezi kaufela. Muzibe kuli nelina ni kutaha ona cwalo. Ku Mu buza fela kasamulaho amano Mu zibahalisa ni kubona Sisupo sani fahalimwa Hae, ki hali, "Yo ki yena Mesia," mi wa taha ku to buza, "Kana ki wena Yena, kamba lu libeletele yomuñwi?"

<sup>210</sup> Kono, mutualime, Jesu ka kuziba cwalo, Afetuha ni ku mufa manzwi a ciseho, ali, "Ki sikamañi se muilo bona, lutaka lo lu zukuzwa ki moyo nji?" Ali, "Kwali kuba kube muuna ya pepilwe ki musali yomutuna sina Joani, kufitela lizazi lee." Yeo ki niti! Ha ki likute ni leo la kulfa mutu foo!

<sup>211</sup> Kono, mwa bona, ki sani fani, sipolofita ne si talelelizwe fapila pata ya bona, ni mutwaleti ya taha, ona cwalo fela Malaki mwa na bulelezi. Cwale, yani ki Malaki 3, isiñi Malaki 4.

<sup>212</sup> Joani Mukolobezi neli Malaki 3, Jesu na bulezi cwalo. Hane ba Mu buzize, kuli, "Ki kabakalañi bañoli ha ba bulela kuli . . ."

Ali, "U tile kale. Ba eelize ze ne ba bulezi."

<sup>213</sup> Kono, muhupule, Malaki 4, kapili kasamulaho wa mupolofita wa Malaki 4, kutaha kwa bune kwa Joani Mukolobezi, kamba, yena . . . kutaha kwa Elia, kutaha kwa buketalizoho ku kaba ka bababeli ba Sinulo, ki lipaki, ha taha ku bo masiyaleti ba Majuda. Kono Mulimu u itusisize ona Moya oswana wani linako ze ketalizoho: muhau, J-e-s-u, kaufela libile Jesu linako kaufela; t-u-m-e-l-o, m-u-h-a-u, ni zeñwi cwalo. Mwa bona? Nombolo ya bufai fi ki muhau mi U i tusisize yona. Hana kuitusisa fela zetalu, hana kuitusisa fela zepeli, zetalu, zene. Ki linako ze ketalizoho Ha itusisa ona.

<sup>214</sup> Cwale, mulemuhe kapili cwale, halunze lufeza. Ki hali, "Yo ki yena yana bulezwi kuli, 'Ni luma numwana wa Ka fapila Ka.'"

<sup>215</sup> Kono mwa Malaki 4, kapili fela kasamulaho mupolofita *yani* amano polofita, lifasi kaufela lina ni ku cisiwa, mi ba balukile ba ka hatikela fa mufuse wa ba bamaswe. Mwabona? Kiniti! Mwabona, bo kona bupolofita bwa Malaki 4.

<sup>216</sup> Mi mulemuhe mwa Luka 17, mwa Na bulezi kuli, "Mwa mazazi a maungulo, ku ka taha zeswana ni Sodoma ni Gomora hape." Kana lu utwile nji? Luna ni Sodoma ni Gomora hape? Linaha kaufela, mu li talime. Mutualime sa na bulezi fela ka England, taba yateni kaufela i lyangani. Nihaiba lico li lyangani. Mi mutualime fa seo sayansi . . . Mwa bona mwa *Reader's Digest*, Ni lumela kuli seli kweli ya mafelelezo, neba ize, "Bashimani ba banyinyani ni basizana ba ba mwahala lilimo ze mashumi amabeli ni mashumi amabeli ka aketalizoho a kupepwa." Ni ba katananga mwa mukopano, basizana babanyinyani mwa kuyema lupepo, mi twenti, twenti tuu za kupepwa, mwa buino bwa basali. Li tomezwi sikamañi? Ki kulyangana, kuzwakana.

Zeo kona luli ze lyanganisa, taba kaufela i lyanganisize mubili. Ha lu sesiñwi kwanda kuba fela busafa bwa—bwa...kuswana fela sina simela sa mazwake.

<sup>217</sup> Munge simela sa mazwake ni ku si beya hande mwateni, kokwani kaufela ika matela ku sona. Kono haili, simela sa makalelo, kokwani i ka saba kwatensi, haikoni ku nyamatala ku sona. Mi bwani kona butata bobuli ni keleke, lu i zwakanisize.

<sup>218</sup> Bwani kona bo ne buli butata bo ni pizi ya Pearry Green, ona kwani, ne i wisize mushimani yani zazi leliñwi, hakuna seili sona kwanda kuba pelesa ya mazwake. Mwabona? Taba fela ki kuli, yona...Iswana fela sina mule, ki—ki...kakuli mule ha i zibi kuli ndata yona kamba mahe ki mañi, hakuna se i ziba; ki licika la mule ni licika la pizi; mi licika la se ni tonki; ha i zibi kuli ki sikamañi...Hamukoni ku...Ika libelela bupilo bwa yona kaufela kuli i ku lahe. Yeo ki niti! Mwakona ku i biza, kuli, “Taha kwanu, mushimani. Taha kwanu, mushimani.” Ika pakula bizebe bya yona mwahalimu, ni kubonka, “Haw! Haw! Haw!” Mwabona?

<sup>219</sup> Sina babañwi ba ba bulelanga kuli “Mazazi a limakazo a felile, Haw! Haw! Haw!” ona lipeu za licika ka mazwake zee, ba lukela kuba ma membala ba keleke ni Bakreste. Ha ni buleli cwalo ka lisheha, kono ki Niti. Kono haili, wa luli, muzwale yali mwana zwezi sakata, wa ziba yo ndatahe ali yena, yo mahe ali yena, yo kuku wa hae nali yena, kuku wa hae wa musali nali yena, wa kona ku mu luta sika, u i shuwile.

<sup>220</sup> Mi Mukreste wa niti ya pepilwe ka Moya o Kenile ni kutazwa ka mata a Mulimu ni Linzwi, wa ziba yo ndatahe ali yena, yo mahe ali yena, yoo kuku wa hae wa muuna ali yena, kuku wa hae wa musali ali yena, wa ziba zeo kaufela za Teni. Wa kona ku mu luta sika.

<sup>221</sup> Kono haili wa licika, yo ki ya tahanga fela kwa likeleke. Kuzwakanisa mwahala lifasi ni likopano za bulapeli, ni kubeya Linzwi nyana mwateni *moo*, Linzwi nyana *fani*, le li kona fela kupuma. Kiniti. Ha mu bona Linzwi la Mulimu la niti li bonahala sina Kefasi ni babañwi mo ne ba ezelize, ba zwa ku Lona, ha ba zibi. Mazwake!

<sup>222</sup> Cwale lu fumana cwana, mi ni mwa liñusa le, Isaya 40:3 hape ne li pakile Joani. Mi naize, “Ki linzwi la mutu, la mupolofita, ya huweleza mwa lihalaupa kuli, ‘Mulukise nzila ya Mulena, mu sungamise linzila za Hae mwa liuwa.’” Keleke ne i si ka mu lumela, kakuli ne si wa sirkwata sa bona. Mupolofita yani na hulezi mwa lihalaupa, ataha inza sa zibi ni yomukana. Nana ni Moya o swana ku yena o Elia na nani: nali muuna wa lihalaupa, na toile basali ba matanya.

<sup>223</sup> Muhupule mo Elia... Ki sikamañi sene si tiselize kuli ba mu pume toho? Neli Jezabele. Jezabele neli yena ya na tiselize lifu la hae. Kuli mane a matiela mwa lihalaupa.

<sup>224</sup> Joani Mukolobezi, mulati wa lihalaupa, muzumi, muuna wa mishitu. Mutualime za hae...Na ka...nasina tuto. Mutualime tuto ya—ya hae, ne i si sina ya muituti wa za bulapeli. Na ize, “Mina lusika lwa libili!” Nto ye masila hahulu ku ze mukona kufumana mwa lihalaupa, nto yebutali hahulu, neli yona—neli noha. Mi abiza baprisita bani, “Mina lusika lwa libili! Ki mañi ya mi lemusize kusaba kwa buhali bo bu taha? Musike mwa kala kubulela kuli, ‘Lu ba siemba se, mi luna ni se kamba sani,’ kakuli Ni li ku mina, Mulimu wakona ka ona macwe aa,” lihalaupa. Hape, “Silepe” (sa na itusisa) “si yendekilwe kwa mubisi wa kota; mi kota kaufela ye sa beyi miselo yeminde, ya lemiwa ni ku nepelwa mwa mulilo.” Amen.

<sup>225</sup> Nali mukutazi wa ze bupilwe. Muuna yomutuna wa Mulimu, na pilile nako yekuswani, kono kaniti na tumbuzi mulilo mwa lifasi. Na nyungile lusika lwani mwahala likweli ze silezi za bulumiwa bwa hae. Mulimu na mu hulisize ka myaha ye mashumi amalalu, yani kuli azwise likweli ze silezi ku yena. Kono Mulimu u eza ka nzila ya Hae Tota, Wa ziba kutulo ya Hae seo ili yona.

<sup>226</sup> Mi lu fumana cwale kuli se kona sene si ezahalile ona cwalo. Ne ba si ka mu lumela, kakuli na si wa bona. Ne ba si ka lumela. Ne ba ezize sina kamita, ne ba si ka Li bona. Ne ba si ka lumela Linzwi la Mulimu la Malaki 3, kusi cwalo ne ba ka bona patalaza, ka litaku za lona, kuli yo neli yena mutwaleti yani. Nebasina mupolofita ka myaha ye mianda yemine, mi fa kutaha yomuñwi mwa sibaka ka nako iliñwi. Mwabona? Mi sicaba, balumeli, ne ba mu lumela kuba cwalo. Mwabona, ne ba si ka Li lumela. Ne ba si ka lumela, kakuli hane ba boni liñolo li talelezwa, sa Na bulezi kuli Uka si eza, ni lika kaufela, ni ku Li bona ha li pakiwa handende fani Linzwi ha li taha hande mwa mezi ku mupolofita. Ki bani inge ba yemi fani.

<sup>227</sup> Kuna ni babañata baba kanananga fa Liñolo leo fani ka Joani. Mwabona, Joani naize, “Ni tokwa ku kolobezwa ki Wena, mi kiñi So tahela ku na?”

<sup>228</sup> Jesu naize, “Tuhela kuli kube cwalo, kakuli cwana...kono kwa lu swanelo, kwa lu swanelo (kwa swanelo) kuli lutaleleze. Ku lukile, Joani, wena ka kuba mupolofita, u ziba kuli sitabelo sina ni kutapiswa si si ka tahiswa kale. Mi ki Na Sitabelo sani, mi u mupolofita mane wa ziba cwalo.” Mi a Mu lumeleza ni ku Mu kolobeza. Mwabona? Mi a ziba kuli neli cwalo.

<sup>229</sup> Mutualime, ne ba mu sehile, ba mu biza kuli “ki wa naheñi, ya kona fela kuhuwa, ya si ka ituta,” sina kamita, mupolofita yani na etelela kutaha kwapili kwa Jesu.

<sup>230</sup> Hani buleli kuli bana...habana malikanyiso a swana kacenu a—a wa niti. Ba nani, kona mayendameno. Kono, muhupule, ko mubona dollar ya buhata ku lukela kuba ni dollar ya niti ye pangilwe ku yona. Ko mubona alimuñwi ya likanyisa

kuba Mukreste, ku lukela kuba Mukreste wa niti kokuñwi; kakuli, haiba ha ku cwalo, *yani* ukona kaba wa makalelo. Mu lukela kufita ku za makalelo. Kono mutatube sa pili, mi mubone haiba za makalelo liinzi fela hande ka sepiso. Haiba ku cwalo, konakuli mu Li lumele: sepiso ya lusika.

<sup>231</sup> Konakuli sipolofita sa Joani ne si pakilwe ka mulao wa Mulimu. Linzwi ne li tile ku mupolofita ni ku mu paka ka niti sina mutu *yani*.

<sup>232</sup> Hape Jesu natile mwa...mukwa o shutana kuzwa kwa kutwisiso ya sipolofita sani. Ne ba si ka Li utwisisa ka nzila yeo. (Cwale, lu ya lu shetumukela kwa mafelelezo cwale.) Kono kuya ka Linzwi la mupolofita, Ne li talelelizwe ka litaku za lona. Bupolofita bu talelelizwe; kono mo ne ba hupulela kuli kona mo ne Si ka bela, Ne si ka nzila *yani*. Cwale, ne ba ka utwisisa cwani ni kuziba sene si lukile kamba sene si fosahalile? Kubona haiba ne li pakilwe ki Mulimu, haiba neli Mulimu yana toloka sa Na bulezi. Nekubile Bojesu ba buhata bene ba tile, ni ku etelela mutu...sikwata sa baba mianda yemine, kwande mwa lihalupa ni lika zeñwi; kono na si ka nyatela kuikeza iliyena mwa Linzwi, mwa bona, sina mwa Na bulelezi.

<sup>233</sup> Jesu, ha Na tile, Na lukela kuba Mupolofita. Yeo ki niti! Mi kacenu, Jesu a sika taha kale hape, ponahazo yetezi ya Mutu wa Jesu Kreste ilukela ku bonahala mwa nama. Munahane ka zona! Jesu naize, "Ona mo ne kuinezi mwa mazazi a Sodoma, kona mo ku kabela ni ha taha Mwana mutu, foo Mwana mutu ha patululwa." Ki sikamañi seo *kupatululwa*? "Ku patuluha, ku zibahala." Kunutu se i tisizwe, ku patululwa. Mwa lizazi leo Mwana mutu ha ka patululwa, lifasi likaba mwa buino bwa Sodoma. Luna ni zona, nji cwani? Eehe! Ki ba bakai baba lumela cwalo? Ki mwa buino bwa Sodoma. Yeo luli ki niti! Mutualime fo inzi, cwale.

<sup>234</sup> Muhupule, kamita kuna ni likwata zetalu za batu mwa sikwata kaufela sa batu ha mu kopani, bao ki, balumeli ba kulikanyisa, baba sa lumeli, ni balumeli. Lu na ni bona mwa likwata kaufela. Ba bile ni zona ka nako kaufela. Nekuna ni Masodoma, nekuna ni—nekuna ni baha Lota, mi nekuna ni Abrahama.

<sup>235</sup> Abrahama nali sikwata se si bizizwe, na si yo mwa Sodoma ka kukala. Cwale mutualime Liñusa la bona! Ne ba libelela mwana wa sepiso, ba libelela fa myaha. Mulimu na bonisize Abrahama lisupo zetuna ni ze komokisa, kono fa Mulimu atahafafasi Iliyena sina mutu!

<sup>236</sup> U li, "Lani neli Lingeloi."

<sup>237</sup> Abrahama a Mu biza kuli, "Mulena," taku yetuna ya M-u-l-e-n-a. Mubali wa Bibele kaufela wa ziba kuli taku yetuna ya M-u-l-e-n-a ki Elohim. "Kwa simuluho Mulimu," Mulena

Mulimu, Elohim, yena Yamata kaufela. /Abrahama a Mu biza kuli, "Mulena Mulimu, Elohim."

<sup>238</sup> Cwale mulemuhe, nekuna ni batu bababeli bene baile kwa Sodoma ni liñusa, mi ba kutaza kwa Masodoma. Ne kusina ze ne ba ezize, kono ba yo ba foufaza; zeo, ku kutaza Evangeli kwa foufazanga ya sa luemli.

<sup>239</sup> Kono mutualime mufuta wa sisupo sene ba amuhezi ba sikwata sa Abrahama!

<sup>240</sup> Cwale, lu lukela kuba Peu ya silena ya Abrahama, Isaka nali peu ya nama. Kono Peu ya tumelo, tumelo mwa Linzwi la sepiso, Linzwi la *sepiso* (Musike mwa li mbwinja.) neli yona Peu ya silena yani; yani neli yona Peu, tumelo ya Abrahama. "Luna ha lu shwile ku Kreste, lu Peu ya Abrahama, lu bo muca sanda ni yena kuya ka sepiso."

<sup>241</sup> Mulemuhe kaufela zeo ha ne li ezahala, kwani kwa Sodoma nekuna ni bakutazi bababeli kwani bene ba kutaza ka liñusa lelituna.

<sup>242</sup> Neku na ni Alimuñwi yana inzi kwanu ni sikhata sa Abrahama yana si ka angabazwa ki sikhata sani kwani. Cwale mutualime Yana pilile ni sikhata sa Abrahama, mufuta wa sisupo sa Na bafile. Ki hali... Cwale, muhupule, libizo la hae neli Abrame mazazi nyana sapili a fani; mi ki S-a-r-r-a, isiñi S-a-r-a-h (mukwae). Mi Muuna yo, ni mukokoto wa Hae ufulalezi kwa tende...

<sup>243</sup> Basali nako yani ne ba shutana ni mo ba inezi cwale. Bana ni kuzwa kuli ba fumane musebezi wa baana ba bona ni lika zeñwi kaufela, mwa ziba. Kono ne ba si ka eza cwalo ka nako yani; ne ba itulezi kwa mulaho.

<sup>244</sup> Kacwalo ba... Kacwalo Lingeloi la li kuina fani, yena Mulumiwa, mi ki Hali, "Abrahama, ukai musala hao (S-a-r-a-h) Sarah?" Kana Na li zibile cwani? Kana Na li zibile cwani?

<sup>245</sup> Abrahama ali, "U inzi mwa tende kwa mulaho wa Hao."

<sup>246</sup> Ki hali, "Ni ka ku potela kuya ka nako ye ne Ni ku sepisize. Ni ka ku potela." Mi Sarah a seha kwa mukunda ali anosi.

<sup>247</sup> Ni mukokoto wa Hae kwa tende, Ki hali, "Kiñi Sarah a sehile, ali, 'Lika ze likona kuba cwani?'" Kambe na si yo ku Abrahama, munyaliwa wa hae ka nako yani, Mulimu na ka mu bulaya. Kona mo lu kona ku ezeza kacenu ka ku sa lumela kwa luna kaufela, haiba ne lu si yo ku Kreste. Sani si lu sweli ona fani, mwabona. Na si ka holofaza kamba ku palelwa kunga Sarah kusina ku holofaza Abrahama. Mwabona?

<sup>248</sup> Mi kacwalo muhupule, Jesu naize, "Sina mo ne kuinezi mwa mazazi a Sodoma, kona mo ku kabela ni fa kutaha kwa Mwana mutu." Lwa bona, mutu kaufela uka lumelelana, kuli lifasi liinzi mwa buino bwa Sodoma. Ne ni panuzi mutende wa Los Angeles kwanu ha ki kale hahulu, mi ali, Ni sepa

kuli ki, "Kalombe ka mwa kekezo ka lipesenti ze mashumi amabeli kamba amalalu mwa Los Angeles, mwaha ni mwaha wa ekezanga kuzona hahulu." Ki... Oh, za sabisa! Mwa muuso wa luna mane kai ni kai, lika kaufela se li bile fela ka kulyangana. Yeo ki niti! Taba yateni kaufela, mulao kaufela, keleke ni lika zeñwi kaufela li lyangani. Li mwa lusika lo lu lyangani.

<sup>249</sup> Cwale Ni bata ku mi buza mina baituti ba za bulapeli, ba mizwale yaka. Isiñi kuli Ni bulela ka ku lwanisa wena, muzwale waka yomunde; Ni tile kwanu ku to mi tusa, muzwale. Ni tile kwanu ku to yema fo Linzwi la Mulimu li bulela kuli li lukile, nanula lizoho la hao mi utise sicaba se kuzwa mwa lika ze. Kiniti!

<sup>250</sup> Kono mutualime fa, ne lu si kaba ni mulumiwa kwani mwa Sodoma sapili nyana libizo la hae ne li fela ka h-a-m kufitela cwale. Lubile ni bo Spurgeon, bo Wesley, bo Luther, ni lika zeñwi kaufela, kono kwa li kuba kube mulumiwa mwa lifasi loote yoo libizo la hae lifela ka h-a-m, haisali. Yeo ki niti! Mwabona, G-r-a-h-a-m, litaku ze silezi, G-r-a-h-a-m, Billy Graham; yena mubuleli ya zibahala yani, musebezi omutuna wa Mulimu, muuna yani u lumilwe ki Mulimu. Una ni kukeniswa kwani hande, kufitela a nyunga naha kaufela ka lona, mwabona, sina cwalo. Hakuna mane...

<sup>251</sup> Mutualime Oral Roberts kwa kopano ya Pentekota. Ki lili fo kukile kwaba yomuñwi ya cwalo?

<sup>252</sup> Litaku ze silezi, isiñi zesupile. Abraham ki A-b-r-a-h-a-m, zesupile. Billy Graham ki G-r-a-h-a-m, zesilezi.

<sup>253</sup> Cwale mutualime fa balumiwa. Mutualime mwa nako ye lulí ku yona, kwali kuba kube ni nako mwa litaba za kale. Mutualime lisupo zeswana za Na sepisize kuli lika fiwa kwa sikhwata kaufela. Mutualime fo ba inzi. Kinto yeswana, handende, ka mayemo, itomilwe hande ka swanelo. Sibupeho, lifasi, lika kaufela, liinzi hande ka nako yateni.

<sup>254</sup> Cwale musike mwa li mbwinja, halunze lu tatulula Mañolo amañwi kaufela. Kapili cwale, kakuli Ni mi buluka nako yetelele hahulu. Kubiza... Mutualime kwanu. Mi kuya ka mupolofita, natile fela hande kwa Linzwi, ona cwalo fela kwa nako yateni.

<sup>255</sup> Cwale mutualime mwa lusika lo lupila kulona. Kana ha lu pili mwa nako ya Sodoma nji? Mutualime mulumiwa kwa sikhwata sa Abrahama. Mutualime linombolo, litaku, ni lipalo za libizo la hae. Mu li, "Hakuna sika mwa libizo." Musike mwa tuhelela mutu ku mi bulelela zeo. Kiñi ha Na cincize libizo la Abrame, ku ba Abrahama, Sarra ku ba Sarah? Kiñi ha Na cincize Simoni ku Pitrosi, ni bani kaufela? Mwabona? Luli ku cwalo. Kiniti!

<sup>256</sup> Ki kabakaleo ha Ni bulelanga kuli musike, mwa biza mwana mina kuli "Ricky," kamba "Elvis," kamba sesiñwi. *Elvis* italusa "kaze," *Ricky* ki "peba." Mwabona, ha u bulela kuli... Yani luli ki niti. "Les," kamba nto yeñwi, u sike wa biza nihaiba alimuñwi

wa bana ba hao...bana bani. Haiba ku cwalo, a mu li cince kapili, sicaba. Mina bo...Mina baba...Haiba mu ni lumela kuba mutanga Mulimu, musike mwa beya libizo leo ku mwana ya shebile yoo. Mwabona? Batili, sha, mu mufe libizo lisili kwanda leo. Mawi! Ha ni lukeli kuzwa ku sani, kakuli Ni zwile mwa tuto ya ka, kono Ni bulezi kale mi ku felile. Na...Kona mo u ezeza, ha u zibi fa ku li bulelala. Mwabona?

<sup>257</sup> A Mu biza kuli, "Ki wa kusili, mulauli, ki diabulosi, kuli Baalezbubi," mi ali, "A ikeza Iliyena kuba Mulimu." Oh, mawi!

<sup>258</sup> Kikuli Isaya mupolofita na si ka bulela kuli, "U ka bizwa Mulimu Yamata"? Isaya 9:6, "Ku luna Mwana u pepilwe, Mwana wa mushimani u filwe, mi mubuso u ka ba fa maheta a Hae, mi Libizo la Hae li ka bizwa Muelezi, Mulena wa Kozo, Mulimu Yamata, Ndate wa kamita." Yeo ki niti! Hape, Muñoli Joani 1:1, "Kwa simuluhu nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama mi a to yaha ku luna." Mwa lumela cwalo? Na si fela...Na li Mupolofita, kono Na fitelela mupolofita; Na li Mupolofita wa Mulimu. Kiñi ha Na tezi?

<sup>259</sup> Muhupule, Utaha ka mabizo a malalu a bana. Natile pili ka libizo la Mwana mutu. Na si ka ipiza Iliyena kuli "Mwana Mulimu." Mwa ziba cwalo. Mwabona, Na tile ku Mwana mutu, ali Mupolofita. Jehova yena Kasibili, yena Ndate, yana bizwa Jeremia, "mwana mutu"; mupolofita ki mwana mutu. Na tile...

<sup>260</sup> Cwale Na tile, kasamulaho wa Lizazi la Pentekota, Na kutile mwa mufuta wa Moya o Kenile, Moya o ipitezi. Cwale fa Ki Mwana Mulimu.

<sup>261</sup> Mwa puso ya Mileniamu Ukaba Mwana Davida, ya ka ina fa lubona lwa Davida. Mwabona, Na tile mwa...Ki Mwana Mulimu, Mwana mutu, Mwana Davida.

<sup>262</sup> Oh, Bibele itezi fela litolwana ze munati ze. Halukoni ku li feza kaufela zona mwa busihu bulibuñwi. Kono fela kwa swanela kuli lutome se cwale. Kamuso mwendi halina kupazula. Lwa kona ku iconga la kamuso li si ka fita kale. Na kona kukutaza ku mutu ya ka be a shwile lisika pazula kale kakusasana. Na kona kuba ya ikezi kakusasana li si ka fita kale. Muzwale, kezeli, leo ha ki litangu, yeo ki niti ya kamita! Ha lu zibi nako ye luya, mi hamuna kuba ni kolo ni yekana kasamulaho wa bupilo bwani bu siya mubili wa mina. Lu li kondise ona fa, musike mwa libelela kufitela kakusasana, ikona kuba ka kuliyeaha.

<sup>263</sup> Mulemuhe cwale, neba ezize ku Yena ona cwalo fela mone ba bulelezi bapolofita kuli baka eza, inge fela mo ba ezeza ni lizazi le liswana le mwa Lusika lwa Laodesia. Haiba mubata ku i talima, mubale Sinulo 3, "Libofu, mapunu, mi ha zibi cwalo. Kufutula Kreste..." Ha Na kalile ku Ipatulula mwa mufuta wa peu hape, yena ya swana ya na keni mwa mubu ataha ka kuba Munyaliwa; ki Munyaliwa fela ni Munyali, ki nama yeswana ni

mali, bulumiwa bo buswana, lika ze swana, kueza ona cwalo fela mwa Na ezelize; ona Moya.

<sup>264</sup> Mi fa basweli kulikanyisa ni kueza lika kaufela, mi mutu ni mutu una ni buka ya hae ni kumata, ni se. Oh, mwali kuba u utwe maikuto a cwalo. Mi, tishaa, tishaa, "Ni nunkelwa ki diabolosi cwale." Kaufela *se, sani*, ki ze si yo fela mwa mañolo ka mo likona kubela!

<sup>265</sup> Mi sika sa niti si beilwe fapila bona, ba ikela kusili, "Ha ki ba siemba sa kopano yaka." Mawi, mawi, fela, mwabona, ki sibofu fela se si etelela sibofu sesiñwi. Kikuli habana kuwela mwa musima kaufela bona? Ku foufazwa ka lizo za likopano za batu, neba Mu kashelize kwande a keleke ya bona sina Mulimu hana bulezi kuli baka eza, mwa Sinulo 3; sina kamita, sina mo li polofitezwi.

<sup>266</sup> Mulemuhe ka mo Jesu ang-... mwa na itibahalelize Iliyena kwa balutiwa baa, cwale, mi lu ka kwala. Balutiwa bababeli ba, Kefasi... Kleopa, nitaluse, ni mulikana hae. Cwale, lu mwa zuho, kakusasana kasamulaho wa zuho, zuho yapilli; ha ki kakusasana kwa bunde, Jesu u zuhile kwa bafu mi upila mwahala sicaba sa Hae. Ha ki muhupulo kwabunde ni woo!

<sup>267</sup> Uteni mo kacenu sina mwa Na inezi zazi lani, kakuli Yena wa swana maabani, kacenu, ni ku-... Ni kuipatulula Iliyena kacenu kufita Mwa kile abela mwa lusika loluñwi kuzwa ka lizazi lani; kutaha kufitela mwa buloto ni lutaka ni sikapi (kaufela lifelile cwale), lu keni mwa buloto hape. Mwabona, lu kutezi mwa bubeke.

<sup>268</sup> Ku zibahala sina...kuziba...Mutalime mwa Na itibahalelize ili Yena kwa sicaba se, cwale, muhupule, sina Mesia wa bona (lu si ka kwala kale) ka Linzwi la sepiso la lusika. Mulemuhe! Na bonahalile ku, kwa...sina ha Na bulezi kuli Uka eza cwalo, kwa bapolofita. Mulemuhe, "Likuba, za lipilu ze bunolo ka ku sa lumela zeo bapolofita kaufela ba ñozi ka Yena kuli ne li ka talelezwa."

<sup>269</sup> Mu Mutualime! U tmahanya kwa Linzwi la Mulimu, Na si ka taha ku to ba bulelela, "Kana ha mu Ni zibi? Kina Mesia ya zuhile." Na si ka bulela cwalo. Mwabona, Na bafile fela Mañolo; sina Joani mwa na ezelize, ni babañwi ba bona. Mwabona? Yena fela... Bana ni ku ipatela zona bona bañi. Bana ni ku atula ilibona. Cwale, musike mwa lobala, mu atule ili mina.

<sup>270</sup> "Likuba, ba lipilu ze liyeha kulumela kaufela ze ne ba bulezi bapolofita kuli ne li ka ezahala." Ha ki kalimelo ni yeo ye ne wezi ba ba bulela kuli ne ba Mu ziba. Mwabona?

<sup>271</sup> Mulemuhe mwa Na kalezi ngambolo. Na si ka taha hande, sina hane Ni bulezi mizuzu nyana yefitile, ni kuli, "Kihande, kana ha mu zibi kuli ki Na Mesia wa mina wa lusika lo? Kana ha mu zibi kuli ki Na Yena?" Mutanga Mulimu wa niti ha i ponahazi iliyyena ka nzila yani; Mañolo a zibahaza yo ali yena.

Luli, uka ba cwalo. Kono a hupulisa ngana yabona ku se ne ba bulezi bapolofita kuli ba talime mwa lusika lwa Mesia. Mwabona kana? Mukutele kwa mulaho: “Likuba, ba lipilu ze liyeha, ba ba sa lumeli kaufela ze bulezwi ki bapolofita ka za Mesia kuli li ka ezahala.”

<sup>272</sup> Yena, sina Joani, na tuhelezi Linzwi la Bibele ku Mu paka, sa Na li sona. Sani ne si lukela kupatalaza lika hande. Haiba Linzwi ne li Mu pakile, kona kuli yani na lukela ku toloka hande Yo sepiso ne i talima ku yona. Neba ziba kuli nana ni . . . yomuñwi nana ni kutaha mwa sibaka ka nako yani.

<sup>273</sup> Kini, Na ize, “Cwale Ni lumeleze ku bonisa se li bulela Linzwi kuli li ka ezahala mwa lizazi le.”

<sup>274</sup> Kana ha Ni ezi cwalo nji, busihu boo, ka kulika ku mi bulelela, Linzwi ka Linzwi (mane neba mwa sibaka, sibaka, mabizo, linombolo, lika zeñwi kaufela, ni lisupo kaufela, linako, ni lika kaufela), kuli seluli kwanu kwa nako ya maungulo? Kaniti mwa kona kubona se Ni bulela. Mwabona? Mutualime! Zeo li namile hande ha li lukeli kuba ni zibahazo yefitelela foo. Na ize, ha Na li fa lifasi fa, “Mubale Mañolo, ku Ona mu nahana kuli muna ni Bupilo Bobusafeli, Ki ona . . . A paka seo Nili sona,” mwabona, “Yo Nili yena.”

<sup>275</sup> Mulemuhe, Na kalile ni Mushe mupolofita, “Mupolofita . . .” Deuteronomia 18:15, Ni sweli kubala Mañolo fa, Deuteronomia 18:15, Mushe naize, “Mulena Mulimu wa mina . . .”

<sup>276</sup> Mwabona, Mulimu na ambozi ni yena fa halimwa lilundu. Mi, oh, mawi, mishika yateni; se bali, “Tuhela—tuhela Mulena . . . Tuhela Mushe abulele, isiñi Mulimu, lu ka suhana lu shwa.”

<sup>277</sup> Ki hali, “Se bali kihande. Nika . . . Ha ni sa tola ni bulela ku bona ka mukwa wo, kono Ni ka ba tiseza mupolofita.” Mi leo libile liñusa la Hae mwahala musipili kaufela. Sani kona se si lukela kufeza taba kaufela kwa mafelelezo. Sina ni fela, kakuli Linzwi la Mulena lina ni kutaha ku mupolofita. Kona fela nto inosi ye Li kona kutaha ku yona. Haiba ha li ezahali, li lobaka Linzwi la Mulimu ni ku Mu bulelisa nto ye fosahalile. Mwabona? Halina kuya kwa mukopano wa za bulapeli. Li ya ku mupolofita. Mi mupolofita u lumilwe ki Mulimu, ya tomilwe. Mi kana muziba cwani kuli ku cwalo, mi ha ki sa bulela mutu . . .

<sup>278</sup> Lubile ni bo Elia, ni liapalo, ni lika zeñwi kaufela, ni liapalo za bahali, ni mifuta kaufela ya bukuba, mi ba kena mes buongaongi bwa lika zeñwi kaufela.

<sup>279</sup> Kono ku ka taha mwa lifasi le, ka sepiso ya Mulimu, mutanga a Mulimu wa niti, ya pakilwe ki Mulimu (ka Linzwi la Hae kuba kalabo ya lizazi le), ya ka beya Munyaliwa mwa sikuka (sikwata nyana fela sa keleke) ni ku I nga. Yeo ki niti! Uka zibahaza, “Amubone, ki Yani yene Ni bulezi ka yena, mwabona, ya ka taha.”

<sup>280</sup> Mi kaufela zene ba bulezi bapolofita ka Yena, ni kwa lusika loo, kiñi luli li ka lutabisa ku utwa Yena ha bulela cwalo. Kikuli ne mu si ke mwa tabela ku Mu utwa ha bulela cwalo? “Bapolofita kaufela ne ba bulezi ka zona . . .” Muhupule, Na bulezi sene ba ka bulela bapolofita ka Yena muñi, kubulela litaba Za Hae Tota, sa Na bulezi kale (mi Nali yena Linzwi); kubulela.

<sup>281</sup> Cwale ha lu teelezeni kwa Manzwi a Na bulezi. Kikuli mu tabela kuutwa sa Na bulezi ku bona? Ha lu talimeñi fela lingambolo za bona cwale, lu si ka tuhela kale.

<sup>282</sup> Cwale ne ba bihezwi nyana fa litaba ze ne sa zo ezahala ka za kutakiswa, likande ka za libita ni mukoti, mi basali ne ba Mu boni, mi yomuñwi ali ne ba Mu boni, ni zeñwi cwalo. Ki hali . . . Neba—neba Mu zibisa nyana ka zona. Mi Yena azwelapili ni Linzwi ka za . . . ku ipulela Iliyena ka Linzwi:

“Cwale mutualime mwa Zakaria 12.” (Na lukela kubulela ka za Zakaria 11:12.) “Kakuli Na lekisizwe ka lishekele za silivera ze mashumi amalalu. Hanili Mesia na lukela ku lekiswa ka lishekele ze mashumi amalalu za silivera?

“Mwa Lisamu 41:9, Na betekilwe ki balikani ba Hae. Mwabona?

“Zakaria 13:7, na hanilwe ki balutiwa ba Hae.

“Mwa Lisamu 35:11, u tamelelizwe litaba ki lipaki za buhata.

“Ka Isaya 35:7, nali simumu fapila bene ba Mu tama litaba, a si ka atamisa mulomo wa Hae.” (Ku lukile, sha.)

“Isaya 50:6, Na shapilwe.

“Lisamu 22—22, Na lilile fa sifapanoali, ‘Mulimu wa Ka, kiñi ha U Ni tuhelezi?’ ‘Masapo a Ka kaufela a Ni talimezi.’ ‘Ba tabile mazoho a Ka ni mautu a Ka.’” (Mutalime fa sipolofita sa Na bulezi ka sona!)

“Isaya 9:6, ‘Ku luna Mwana u pepilwe,’ ‘Mwalanjo uka itwala,’ ni zeñwi cwalo.

“Mi hape mwa Lisamu 22:18, neba—neba—neba ikabezi liapalo za Hae mwahala bona.

“Mwa Isaya 7:14, ‘Mwalanjo uka itwala.’

“Lisamu 22:78, mwendi . . . na somilwe ka lila za Hae (ba Habo, bona bene ba lukela kuba balikani ba Hae), lila za Hae, yona keleke.

“Mwa Lisamu 22 hape, Na li . . . hakuna lisapo lene li lukela ku lobiwa, kono ne ba tabile mazoho a Hae ni mautu a Hae.

“Isaya 53:12, a shwela hala lisinyi.

“Mwa Isaya 53:9, a holofazwa, ni ku pumbekwa ni muzwale ya fumile.

“Mwa Lisamu 16:10, A zuha kwa bafu. Davida na bulezi cwana kuli, ‘Hanina kutuhelela Ya Kenile wa Ka kubona kubola, kamba nihaiba kuli Ni tuhelele moyo wa Hae mwa lihele.’ Na zuhile kwa bafu.

“Malaki 3, Joani Mukolobezi nali yena mutwaleti wa Hae.”

<sup>283</sup> Mi mifuta kaufela ya Na lukela kuya ku yona! Neba ku Isaka ka kuba mufuta wa Hae fa Lilundu... fahalimwa lilundu koo ndatahe Abrahama na mu isize, mwa Genese 22.

<sup>284</sup> Neli fona cwale ha ba kala kubona Yana talelelize Mañolo ani a na sepisizwe mwa lizazi lani. Neli ka nako yani, nako ha ne se ifelile. Ba kala kubona, “Oh! Kihande, libelela fa muzuzu! Mwa ziba kana?” Ba ziba kuli Mulikana bona ya kokotezwi, Jesu, neli yena Mupolofita ya na sepisizwe. Ne ba ziba kakuli... Mwabona, ne ba si ka zibiswa zeo fa Mañolo.

<sup>285</sup> “Kono, fa, litaba ze kaufela ze lukela kuezahala fa sifapano, lika ze kaufela. Likuba, ba lipilu ze liyeha ku utwisisa zeo bapolofita ba bulezi; ka mo Mesia a ka nyandela, ni kukena mwa kanya ya Hae, nikuzuha ka lizazi la bulalu.”

<sup>286</sup> Niteñi ba sa ya, “Oh, eehe. Yeo ki niti. Ni li Na—Na... Kana lipilu zaluna ne li sa cisi mwahala luna?” ba bulela. Ki kabakaleo lipilu za bona ne li cisa! Bupolofita bwa Na sweli kubulela ne bu talelezwa.

<sup>287</sup> Mi bakala ku lemuha kuli Mulikana bona, yena Muuna yene ba ca ni yena, na ambola ni yena, ye ne ba ambola niyena, kuyamba ni yena, ye ne ba lobala ni yena mwa mishitu, kuli ki yena ya na taleleza Linzwi kaufela la hola ye sepisizwe! Nali fani. Ne ba zamaile limaili ze silezi, ne ku bonahalile nako yekuswani luli, Na sepa, mi ne ba utwile kutazo ya lihola ze silezi ka sipolofita se si pakilwe (nako yetelele nyana kufita yelubile ni yona busihu boo, mwabona). Ne se li manzibwana mwa nako ya manzibwana, Maseli a manzibwana na sa kala kumonyeha.

<sup>288</sup> Ki nako yeswana cwale, keleke! Maseli a manzibwana atile! Maheberu 13:8, “Ki ya swana maabani, kacenu, ni kuyakuile.” Oh, likezahalo libonahaliswa hande ka sipolofita, kuswana sina kacenu. Liseli la manzibwana ne li sepi size ka mupolofita wa Mulimu, mwa Zakaria 14:7, mi hape a kwalule meeto a niti a mulumeli kwa likezahalo ze ezahala kacenu, zeo li pakilwe ka bupolofita kuli lu kwa nako ya maungulo. Jesu wa taha.

<sup>289</sup> Yona luli... Ki...

<sup>290</sup> Na ize, “Ku kaba lizazi le li sike kubizwa busihu kamba musihali.” Na ize, “Kono mwa manzibwana ku kaba Liseli.” Cwale, lwa ziba, kuya ka pupo ya lifasi kuli, lizazi li pazulelanga kwa upa ni ku likelela kwa wiko. Cwale, mupolofita naize, “Ku kaba ku liyeha nyana kwa nako ye ka ku sabisa ka simbwewewe, mufuta wa... le li si ke kubizwa musihali kamba busihu; ki le li nsu cwalo, lizazi le litezi mbundu.”

<sup>291</sup> Cwale, Mwana na pazulezi kai? Sikamañi... Yoo ki M-w-a-n-a ye lu ambola fateni cwale. Kuli m-w-a-n-a wa nama ha pazulela kwa upa ni kulikelela kwa wiko. Yena Mulimu yaswana, ya swana luli... *Lizazi*, nitaluse. Mi M-w-a-n-a Mulimu na zuhile pili kwa upa, kwa sicaba sa kwa upa.

<sup>292</sup> Mi cwale kasamulaho Amano ya, ki sikamañi se ne ba ezize? Lilimo ze mianda yemilalu kasamulaho, ba kalisa kopano ya bona yapili, keleke ya Roma ya Katolika. Mwahala Lusika lwa Lififi se ba ya, mi se ba taha. Ki sikamañi se ne ba ezize? Ki nto yeswana. Ibile lizazi la... Ha li si ka bizwa musihali kamba busihu. Neba na ni mulao o swanelo, kufitela ba lumela kuli Nali yena Mwana Mulimu, mi ba zamaya mwa liseli le ne ba nani, ba yaha likeleke za bona ni kuyaha lipatela ni likolo ni zeñwi cwalo, ni mikopano ya bukutazi, ba luma bana ba bona kwa sikolo.

<sup>293</sup> Kono mupolofita naize, “Ku kaba Liseli hape ka nako ya manzibwana. Mwana uka tubula hape, ku kaba Liseli.” Sikamañi? Yena Mwana ya swana (M-w-a-n-a) yana patuluzwi mwa nama ka nako ya kakusasana, kwa mulaho kwani, li ka patululwa hape mwa nako ya manzibwana.

<sup>294</sup> Cwale mubapise Muñoli Luka 17:30, “Mi ka lizazi lani, sina mo ne kuinezi mwa mazazi a Sodoma, buino bwa lifasi, mwa nako yeo Mwana mutu ha patululwa.”

Ku kaba Liseli ka nako ya manzibwana,  
Nzila yeliba kwa Kanya mu ka ifumana kaniti.

<sup>295</sup> Oh, mawi! Sicaba, lu kai kana?

Linaha za ikaba, Isilaele wa zuha,  
Lisupo zene ba bulezi kale bapolofita;  
Mazazi a Bamacaba a balilwe, ni misima  
ikatilwe; (Mutalime muzamao wa hae mwa  
liwate!)  
Mukutele, haenu O mina muhasani, muye  
haenu.

Lizazi la kuliululwa li fakaufi,  
Lipilu za batu za njanja ka sabo yetuna;  
Mu tale Moya, mi malambi a mina a tuke  
hande,  
Mutalime kwa halimu! kuliululwa kwa mina  
ku sutelezi. (Mu eze cwalo.)

<sup>296</sup> Muzwale, kezeli, ki nako ye sabisa. Mutualime lika ze ne polofilwe, mutualime lika ha li ezahala. Mutualime sipolofita kaufela ha si talelezwa, mi lwa bona kuli zeo kaufela za ezahala. Ha ki sikuwata sa bafitelezi ba tumelo. Ki Mulimu ya paka Manzwi a Hae hande, ona cwalo. Licwe li natilwe, balikani, amusabele ku Lona kapili mo mu konela. Bupolofita bu paka lizazi le lupila ku lona.

<sup>297</sup> Halu inamiseñi litoho zaluna. [Muzwale ubulela ka lulimi lusili. Kezeli wa toloka. Muzwale fa katala uli, “Cwale ha lu kutumaneñi pili fa nako nyana? Mulimu ubulezi ku luna ka Muzwale Branham, mi tozo i ku Muzwale Branham, mi ha si ka feza kale. Mi . . .” Hakuna manzwi fa tepu—Mu.]

<sup>298</sup> Mulimu Yomunde! Kana mwa lemuha lizazi le lupila ku lona, balikani? Kikuli ne mu ka ka nanisa Mulimu? Kikuli no ka bulela kuli “Ha si ka luka,” kanti Inza Li bonahalisa? Ki mutoloki Ili Yena. Kikuli ubata ku Mu sebeleza?

Cwale ni litoho za mina ze inami, ni lipilu za mina ze inami, muzwale, kezeli.

<sup>299</sup> Ye ikona kuba nako ya mukopano wa luna wa mafelelezo. Hakulata haluna . . . Kambe Ne ni ka kuta silimo kuzwa kacenu, haiba Ni pila, ne ku kaba babañata babali mo cwale ba basike kuba mo ka nako yeo. Mi Ni ka yo mi katanyeza kwa Museto wa Katulo ni ku yo ikalabelaa ka lika kaufela ze Ni bulezi busihu boo.

<sup>300</sup> Fapila Mulimu, hamuli mwa munahano wa mina o iketile, kana muka eza se hahulu ku Mulimu? Haiba uziba kuli una ni . . . Aku italime fela fa siiponi sa kutalimela sa Mulimu, yona Bibele, hakuna taba kamba u mañi, ni kubulela kuli, “Ni ziba kuli Ni inzi kwahule hahulu ni kuba mwana musizana wa Mulimu, kutalima fela mo Ni ezeza lika. Ni kwahule hahulu ni kuba mwana mushimani wa Mulimu, kualima fela mo Ni ezeza lika. Kono, Mulimu, Hani lati kuba cwaloo, Ni—Ni bata kuzwelapili mwa sibaka sani.” Ni bata kuli unanule lizoho la hao ku Mulimu, kamba ki wena mañi kaufela, kaufela fo uinzi mwa muyaho, “Eeni, Ni bata kuba mwana mushimani wa Mulimu. Ni bata kuba mwana musizana wa Mulimu. Ni bata kutaleleza lika kaufela za laezi Mulena ka.” Cwale mina . . . Mulimu ami fuyole. Ni sepa kuli ki nainte pesenti ya sicaba.

<sup>301</sup> Cwale talima kwanu, mulikana ka. Kucwani kambe no ka pila mwa mazazi ani hane u ka utwa Joani ha kutaza? Ku cwani kambe no pila mwa mazazi fani Jesu ha nali fa? No ka ba kwa neku la mañi? Haiba no ka pila ku Jesu . . . Muhupule, haba Na . . . Haiba no pila kwa mulaho kwani, ne ku kaba fela inge mo mo kuinezi cwale. Yena Jesu ya swana usweli ku itibahaza Iliyena ka Linzwi la Hae, mwabona, mi Ha ki taba ye sa zibahali ya buenyi.

<sup>302</sup> Kono haluboneñi ni mi bulelele, Ha ni liki ku bulelela batu kuli ba tute mwa likeleke kamba . . . Mawi, Ni bata kuli muyange kwa likeleke, “Musike mwa ikambusa ku kopana hamoho.” Kono se Ni lika ku mi bulelela kueza ki kuikataza kukena mwa Mubuso wa Mulimu. Munge lika ze, lifasi, keleke . . .

<sup>303</sup> Mapentekota, mina sicaba musweli kuba ba bulifasi hahulu. Musweli kuba ni zeñata hahulu za buino bwa lifasi. Ki nto ye bunolo fela, muzwelepili kubuhanga za mazimumwangala ni

lika ze kaufela, ni mo ba ezeza, ni *ze* kaufela, mi taba yapili mwa ziba... Mikopano, likolo za bulapeli likala ku keshebisa fa ni fani, mi *se*, *sani*, ni *sesiñwi*, mi taba yapili mwa ziba... Sina ni kutaha ka nzila yeo. Keleke ya Pentekota, ibile tuso yaka yetuna hahulu, Hakuna se ni kona kubulela ka kuinyza. Kono zeo kona ze Ni sweli ku huwakela kuli, "Mizwale baka, amu zwe shangwe!" Kubiza... Hamusana mikopano ye ne mubanga ni yona. Sicaba ha si sa swana sina mo ne si belanga. Kono Jesu Kreste ki ya swana, ha lu keneñi ku Yena.

<sup>304</sup> Cwale, mina baba nanuzi mazoho a mina mwa halimu, muhupule, ne ku na ni Licwe lene li natilwe mwa lihalaupa, mi Sibuba sani si sa kwaluhile busihu bwa kacenu. Licwe la bona li natilwe, Kreste, Ki yena Licwe leli natilwe lani.

<sup>305</sup> Mi busihu bwa kacenu, kuya ka mo Ni zibela, keleke ya kona kuba... Nako ya kubizwa ikona kuba yefelile kale, Ha ni zibi, Ha ni koni kubulela cwalo. Muhupule, sicaba ne si zwezipili kuba ni mikopano, ka kuswana fela, kasamulaho wa ku kokotelwa kwa Jesu. Mi ni... sicaba kaufela, baka—baka taha, baka... Mutualime! Baka—baka zwelapili fela ku kutaza, ni kubulela kuli ba "piliswa" ni lika kaufela, inge fela kuli... "Lifasi mo li ka zwelapili ona cwalo sina mo ne li inezi," ba bulela. Kono nako ikabe ifelile.

<sup>306</sup> Ha u sa na ni kolo, muzwale waka; ha u sa na ni kolo, kezela ka; taha mwa Mubuso wa Mulimu. Ha u lukeli kutaha mwatasa sika sisili fela kono ki ka tumelo ye namile fela hande kulumela Linzwi la Hae. Ki yena Linzwi lani! "Mulena Jesu, Na ziba, Na i talima na muñi cwale mwa siiponi sa Linzwi la Mulimu; oh, mo Ni be zi ya sa swaneli. Kono, Mulimu yomunde, mo busihu cwana, ka la Mubulo le busihu, mo mwa San Bernardino, California, mwa muyaho wo kwantu, se ki—se kona se Ni nani, Mulena kihona, kono Ni ka Kufa sona. U ni nge ka mo Ni inezi, Mulena? Aku Ni lumeleze ni sabele kwa sifapano kapili fela? Mane na bona balumiwa. Ni bona nako, Ni bona pizo ya mwa Sodoma. Ni bona lisupo. Ni bona sikwata sa Abraham si amuhela Liseli. Ni bona ponahazo, Jesu inza iponahaza hape mwahala luna sina mo ne kuinezi. Ni bona lika kaufela Zo sepisize. Ni bona balikanyisi; Ni bona kuli U bulezi kuli, 'Sina mo ne kuinezi mwa mazazi a Mushe,' kuli mane bo Jambresi ni Janise ne ba ka taha ku to likanyisa, mi ni ku siyala hande cwalo mwa simbotela se si swana sani sene bali ku sona."

<sup>307</sup> Mwabona, ne ba si ka latelela Mushe kuya ka Linzwi lani ni kunga bana bani kuzwa mwa lihalaupa lani, kakuli ne ba tamahani mwa Egepita. Ne ba si ka eza cwalo, ni ha ne ba ezize misebezi yeswana ya na eza. Kono bukuba bwa bona bwa bonahala. Mi Bibele ibulela kuli, sani kuli SA BULELA MULENA KISONA, "Si ka ezahala hape mwa mazazi a maungulo."

<sup>308</sup> Mi mwa libona ka meeto a mina bañi, haiba mu ba moyo. Ni... Hanikoni ku Li tatulula. Ha ki swanelo kuli ni Li tatulule. “Lingu za ka liutwa Linzwi la Ka.” Haluyeñi ku Yena cwale, halunze luna ni kolo. Kana mu ka eza cwalo?

<sup>309</sup> Haiba u tokwa kolobezo ya Moya o Kenile, haiba u tokwa kuipa sinca, ili bupilo bo bunca; mulisana wa hao haana ku ku ku nyanyifaza, uka ku lata ka zona. Muipe fela ili mina ka kutala ku Mulimu busihu boo, halunze luli mo. Kifo... Ki, Ni ziba kuli kubile tata, buhali, bunca, Ha ni ezi zeo ka kuba wa pilu seta, Ni eza cwalo kuli ni be ya sephahala. Ni eza cwalo kakuli Na mi lata, Na lata Mulimu, mi Ni eza cwalo ka kulika ku mi tusa. Mi kaniti, mulikani, Na—Na—Na lumela... Mi ka pilu yaka kaufela, ka tumelo yaka kaufela, Ni lumela kuli Liñusa laka lizwa ku Mulimu. Li—Li bonisizwe zeo ku mina, hala lilimo.

<sup>310</sup> Cwale muteeleze, busihu bo itobohe lika kaufela zo nani, lika kaufela zo tokwa. Na lumela, ka pilu ye ipile, haiba u ka yema fela ka mautu, ni kumanula mazoho a hao ku Mulimu, ni kubulela kuli, “Mulimu Yomunde, ki Na yo fa. Aku ninge, Mulena. Ha Ni na kulika kuitusisa mihipulo yaka ni toloko yaka. Linzwi la Hao lili Ni lukela kuba ‘ya kenile, Ni lukela kupepwa sinca, Ni lukela kutazwa ka Moya, mi kipeto Moya uka ni zamaisa mwa Niti kaufela.’ Mulimu Yomunde, ki Na yo, ni etelele.” Kikuli mu ka eza cwalo? Haiba mueza cwalo, munanule mazoho a mina, muli, “Na itakaleza kueza cwalo, Na itakaleza kueza cwalo.”

<sup>311</sup> Kanti ha lu nanuheñi cwale.

Kamo Ni inezi, kusina ni haiba kupo yekana,  
 Kono Mali a Hao na ni suluhezi,  
 Ni kuli U ni lumelelize kutaha ku Wena,  
 O Ngunnyana ya Mulimu, (Sikwalo sa Mulimu  
 fela)...taha! Na...

Cwale muzwise musebezi wa mina kaufela, lika zeñwi kaufela, kukatala kwa mina, lika kaufela! Kucwani kambe ne mu ka shwa cwale?

Kamo Ni inezi, Wena uni amuhele,  
 U ni amuhele, uni swalele, uni kenise, uni  
 amuhele;  
 Kakuli Ni...

Kikuli uka nanula lizoho la hao, fa timana ye cwale?  
 ...Sepiso ya hao, Ni ka i lumela,  
 O Ngunnyana ya Mulimu, Na taha! Na taha!

<sup>312</sup> Cwale mulizi wa siñwañwa ha nza liza cwalo, kifo mañi ni mañi wa luna...

<sup>313</sup> Babanca basanana, kikuli mubata kuba sina ba kwande mwa mikwakwa ona cwalo, sikwata sa lisinyi ze?

<sup>314</sup> Kezeli, kana ubata kuba ni milili yemikuswani, kanti ki likute la hao la si Nazareni ku Mulimu kuli ube ni milili

yemitelele? "Ki maswabisa kuli akute milili ya hae." Kana wa kona kutina tunekunda twa kale to ni lika zeñwi ze ba tinanga kacenu, za ndelesi ya butanya ye, ni mubili wa hao inge u bonahala fande, mane inge u zamaya mwa mukwakwa? Kana wa ziba kuli muuna kaufela ya ku talima ueza boozwa ni wena mwa pilu ya hae? Mi uipeya ili wena ona cwalo. Kana mwa ziba, basali, mina baba tipenta mipende, kuna ni fela musali alimuñwi mwa Bibele yakile a apala mipende? Mi Mulimu amu fepa kwa linja. Jezabele, libizo le li toilwe kuzwelela mwa lizazi la hae, bakeñisa likezo za hae ka zona. Mwa ziba neli Elia mupolofita ya na mu kutile ni ku mu biza cwalo? Kana mwa ziba kuli neli Herodiasi yo Joani Mukolobezi na latelezi? Kana mwa... Ha u tokwi kuba sina Hollywood ya lifasi yani. "Haiba mulata lifasi kamba lika za lifasi, lilato la Mulimu mane haliyo ku mina."

<sup>315</sup> Muzwale, mulikani wa mukutazi, hakuna... Shangwe ni utwisise, Na ni muzwale wa mina. Kikuli mubata kuitibahaza mina bañi, ni mina ma membala ba keleke yeñwi (Methodist, Baptist, kamba kaufela semukona kuba sona), kana mubata ku swalelela kwa kopano yani kakuli bo maa mina ni bo kuku a mina ne ba swalelezi ku zani? Ne ba zwile mokuñwi ni kutaha mwani, lani neli Liseli la lizazi lani; kuli, sina mwa linako za Nuwe. Le ki lizazi lisili.

<sup>316</sup> Mu li, "Kihande, Ne ni na ni..."

<sup>317</sup> Le ha ki lizazi la Pentekota. Lusika lwa Pentekota lu felile. Pentekota i icongile, ye ki nako ya kutulo. Mwabona? Mi nako ya kutulo, bubeke; mezi a suluhile kale, peu isweli ya buzwa. Taha mwa bubeke, muzwale waka yomunde. Mu ni utwe, mu ni lumele, haiba mu ni lumela kuba mutanga Mulimu, ha lu ezeni mañi ni mañi, ka nzila ya luna, luinamise litoho za luna ka kuishuwa ni kufa tapelo ye lu—ye lu ziba kuli lu lukela kufa, "Mulimu, aku ninge ka mo Ni inezi."

<sup>318</sup> Mi muzwale, kezeli, Ni ipa ili na fa katala busihu boo, nina: Mulimu, ni bupe ni ku ni eza ya shutana. Eza sika, Mulimu, ni eze ka siswaniso sa Hao.

<sup>319</sup> Mu nahana kuli ku bunolo kuyema fa ni kupuma sicaba mwa liemba emba cwalo? Ki nto yetata kueza. Kono bumai ki bwaka haiba ha Ni ezi cwalo.

<sup>320</sup> Mulimu Yomunde, sina sicaba se ha si inamisa litoho za sona ni pilu, mwa nako yebutokwa ye ya kukwala kwa tuto ya Bibele; ha lu bona ponahazo ya Moya o Kenile ye nyungile naha ye kwa mulaho ni kwa pata, ni kwa mulaho ni kwa pata, ancafazo zetuna ni liponiso, ka kuziba kuli sesiñwi si na ku latelela sani. Mi cwale ni kubona Mangelo a sebene ani atahafafasi kwani fahalimwa lilundu kwani mwa Arizona, kanti neba mitende ya makande ne i bihile piho ya Lona. Ku bona Jesu Kasibili mwa mbyumbyulu mwani, inza talimafafasi, ni kubulela kuli, "Mwa Sinulo 10:7, mwa Liñusa la lingeloi la busupa, Maswayo aa aka kwaluha,

Likunutu za Mulimu lika zibahala," kuli baongaongi ne ba si ka pila nako yetelele kuli—kuli ba li tise. Mi fa, ona Maswayo Asupa aa ana swaile taba yateni kaufela kuli ikwaluhe mwa lizazi le. Kubona lisupo zetuna ze kaufela ni ze komokisa ze ezahalile, li pakilwe, li si ka ezahala kale, mi hakuna nihaiba nako iliñwi fo U kile wa lu palelwa, kono u li tisize kuli li ezahale ka mo li bulelezwi.

<sup>321</sup> Mulimu Yomunde, lu lemuha kuli Jesu Kreste uteni mwahala luna. Lu ziba kuli Uteni moo. Uteni mo busihu cwana, yena Mulimu ya sa bonahali uteni ni luna, mi nakona kupaka sepiso kaufela ya Na file mwa Linzwi la Hae. Wena Mo yemezi ni kubonisa ku bona, ka mikokoto ye ba fulalezi, kwa simuluho ya makalelo mane balikanyisi ba si ka kena kale mwa sibaka, Mulena, kamba kukena mwa—mwa—mwa takano, mo lukona kubulelela. U bonisize ni kupaka, kupolofita mane ni kubulela hande ka swanelo mo li ka ezahalela, mi lubona kuli li ezahalile ona ka nzila yeo. Mi, Mulimu Ndate, lu ziba kuli haikoni kuba mutu, ilukela kuba Mulimu. Kacwalo lu ziba kuli ki Wena mwahali mo busihu cwana. Lu swalele libi za luna.

<sup>322</sup> Mulimu Yomunde, U folisize matuku a luna, cwale swa—swalela libi za luna, Mulena, ka ku sa ba mufuta wa Mukreste yo luna ni kuba yena, kakusa... Kuipulela kuba muuna yateni kamba musali, mi fa luipumana inge lu tantilikela kwahule inge kuhu ya kopano. Lu tuse, Mulimu yomunde, lunge mi lu nyunge ka Moya o Kenile wa Hao. Mi haiba kuna ni sika kaufela ku luna se si sa bi sina Wena, si zwise ku luna, Mulena. Ni ku cala mautu a luna fa Linzwi le Kenile la Mulimu, ni kutuhela Moya o Kenile kuli ucisake mwa lipilu za luna mi zwisa masila a ku sa lumela kaufela ni masho a lizazi le; oh, lu zuhe ni ku inyunga luna bañi. Lumeleza cwalo, Mulimu. Lu kenise! Lu bupe! Lu eze! Mulimu, lumeleza cwalo.

<sup>323</sup> Haiba kuna ni yomukana mwahali mo busihu cwana, Mulena, ya swalelezi peu yani mwa pilu ya hae, yona peu ya Mulimu yani ye lukiselizwe kwa Bupilo kuzwa kwa mutomo wa lifasi; Na ziba, Mulena, kuli ba lukela ku utwa ka hola ye. Kacwalo, Na lapela, Mulimu, kuli U taze moyo wa bona ni ku omonyeha ka kolobezo ya Moya o Kenile, ni ku ba luma mwa musipili wa bona, inge ba nyakalala ni tabo.

<sup>324</sup> Mulena Mulimu, bona... Ni ba fa ku Wena. Ha ni zibi kuli ki bafi, Wena wa ba ziba. Na ni na ni fela musebezi wa ku kutaza Linzwi la Hao, Mulena, sina ha No Li patuluzi. Muna ni musebezi wa ze siyezi za yona: ko kuwela Peu. Ni Li yumba fela. Mulena Mulimu, Ni lapela kuli Liwezi mwa mubu omunde, o nunile busihu boo. Kuli babañata ba ka Li bona, Mulena, ni kutaha ku to monyehela Bakreste mwa mazazi a maungulo a, kuli nto yetuna ye lu libelela kutaha, i ka taha kapili. Lumeleza cwalo, Mulena. Mi U ka nga Keleke ya Hao, Munyaliwa wa Hao, ni ku Muisa kwa hae. Lwa Li bona kaufela li li mwa sikuka. Taha,

Mulena Jesu. Lu beya kaufela zona ku Wena, ka Libizo la Jesu Kreste, kwa linepo. Amen.

Na Mu lata, Na Mu lata  
Kakuli U ni latile pili  
Ni kuleka puluso yaka  
Fa kota ya Kalvari...

<sup>325</sup> Kana mwa Mu lata? Kihande, kona kuli muna ni ku latana. Mu itumelise mwa mazoho ha mu iopela hape:

Na Mu lata, Na Mu lata  
Kakuli U ni latile pili  
Ni kuleka puluso yaka  
Fa...

<sup>326</sup> Cwale ha lu Mufeñi milumbeko. Ki ba bakai baba ziba pina ye:

Ni ka Mu lumba, Ni ka Mu lumba,  
Mulumbe Ngunyana ye shwezi muezalibi;  
Mu Mufe kanya mina sicaba kaufela,  
Kakuli Mali a Hae atapisize masila kaufela.

<sup>327</sup> Ha lu iopeleñi cwale:

Ni ka Mu lumba, Ni ka Mu lumba,  
Mulumbe Ngunyana ye shwezi muezalibi;  
Mu Mufe kanya mina sicaba kaufela,  
Kakuli Mali a Hae atapisize masila kaufela.

<sup>328</sup> Kana ha mu ikutwi ku kuhuba nji? Mu nanule mazoho a mina ni kubulela kuli, “Oh, seo si ni utwisa hande.” Muzwale, Na lata lipina za kale zani. Mina boo? Likena hande kwa pilu.

Ni ka Mu lumba, Ni ka Mu lumba,  
Mulumbe Ngunyana ye shwezi muezalibi;  
Mu Mufe kanya mina sicaba kaufela,  
Kakuli Mali a Hae atapisize masila kaufela.

<sup>329</sup> Halu nanuleñi fela mazoho aluna cwale ni kulumba Mulimu, mañi ni mañi wa luna, ka nzila ya luna.

<sup>330</sup> Mulena Jesu, lwa itumela ku Wena. Lwa Ku lumba, Mulena. Lu Ku fa milumbeko kwa sicaba se si bizizwe, kuzwa mwa Babilona. Lwa itumela ku Wena ka Mali a Mwana Hao, Jesu Kreste. Lwa itumela ku Wena kakuli Wa lu kenisa ka muzuzu woo. Luna ka... Lu kupa swaledo ya mafosisa a luna, bukuba bwa luna, Mulena, kusitatala kwa luna mwa lififi. O Mulimu, ha lu zuhe mi lu benye, ni kuzamaya mwa Liseli la manzibwana, ni kuba muselo wa Kota ye sweli kutaha ka Liseli la manzibwana. Lumeleza cwalo, Mulimu yomunde. Luipa ili luna ku Wena, ka Libizo la Jesu Kreste.

<sup>331</sup> Cwale ni litoho za mina ze inami, Ni mifa balisana ku kutisa sebelezo.



*LIKEZAHALO ZA CWALE LIBONAHALISWA  
HANDE KA SIPOLOFITA LOZ65-1206*  
(Modern Events Are Made Clear By Prophecy)

Liñusa le ka Muzwale William Marrion Branham, neli kutilizwe lwa pili mwa Sikuwa la Mubulo manzibwana, Ñulule 6, 1965, mwa mukopano wa ba Full Gospel Business Men's Fellowship International ili fa Orange Show Auditorium mwa San Bernardino, California, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)